

یا پیغمبر کافرلریله و منافقلریله جهاد ائتگین ، و اونلار اشدت عمل نشان وئر ، اونلارین مسکنی جهنم دیر که چوخ پیس منزلگا هیدیر .
(۷۳) اونلار آند ایچیرلر که هیچ سؤز دئمهیبلر ، بیر صورتده که اونلار کفر کلمهسی دانیشیبیلار و اسلام گتیرندن سونرا کافرا ولوبلار (دشمن لیگه) همت ائدیپ و چالیشدیلار ولی موفق اولمادیلار ، اونلار عوض بوکه الله ئوز فضلیندن و پیغمبر اونلاری غنی (و هدایت) ائدیپ ، شکر ائدهلر ، دشمن لیک و انتقاد ائتدیلر ، ایندی اگر توبه ائدیپ قئیدهلر گئنه اونلار اوچون یاخشیدیر ولی اگر اوز دؤنדרهلر ، الله اونلاری دنیا و آخرتده درد آرتیران عذابیله مجازات ائدر و یئر اوزونده اونلار اوچون دوست و مددچی اولماز . (۷۴) اونلاردان واردر که اللهایلله عهد باغلادی که اگر الله ئوز فضلیندن اونا وارو مال یئتیره ، حتما "صدقه (وزکات) وئرپ (و پیغمبری قلبا "تصدیق ائدر) و صالح انسانلاردان اولار . (۷۵) اما وقتیکه الله ئوز فضلیندن (مال و نعمت) اونلارا نصیب ائتدی ، بخل ائتدیلر (و واجب حق وئرمه دیلر) و اوز دؤنדר دیلر احوالدا که اعتراض ائدیر دیلر . (۷۶) پس بخلون نتیجهسی اونلارا بو اولدی که اوره گلرینه نفاق دوشدی (و منافق اولدولار) تا اوگونه کیمی که بخلون جزاسینی گوهرهلر ، اوسببه که خلاف وعده اولدولار الله او سببه که یالان دانیشیر دیلار . (۷۷) آیا منافقلر بیلیمیرلر که الله تعالی اونلارین باطن لریندن و سّری سؤزلریندن آگاه دیر؟ و بیلیمیرلر که الله غیبیری چوخ بیلندر؟ (۷۸) او منافقلر که عیب و ایراد توتورلار ، صدقه وئرن مؤمنلره و مسخره ائدیملر او مؤمنلری که آز مال لاریندان ، صدقه وئریرلر ، الله اونلاری ، مسخره لرینه گوهره مجازات ائدر و اونلار اوچون درد آرتیران عذاب آماده دیر . (۷۹) .

(یا پیغمبر) اگر سن اوللارا باغیشلانماق ایستیهسن و یا ایستیهسن و اگر یئتمیش دفعه باغیشلانماق ایستیهسن اللها و نلاری باغیشلامیاجاق چونکه اوللار الله او پیغمبره (فسق ایله) کافر اولوبلار والله تعالی فاسق جماعتی هیچوقت هدایت ائلمز . (۸۰) او منافقلر که راضی و خوشحال اولدولار که جهاد حکموندن و پیغمبرین امریندن تخلف ائندیلر و کراهلری واریدی که الله یولوندا مال و جان ایله جهاد ائندهلر و مؤمنلر دئییردیله که بو ایسی هوا دا جهادا گئتمهین ، اوللار دئگینن که جهنم اوتونون ایسی سی بو ایسی دن چوخ شدتلیدیر اگر اوللار آنلایب دوشونلر . (۸۱) ایندی اوللار مرک (دنیا ده) آز گولهلر و چوخ آغلیالار چونکه ئوز عمل لری نین جزاسینا یئتمیشه جگر . (۸۲) و اگر الله سنی (مدینه ده) منافقلردن بیر عده سینین یانینا قئیره و اوللار سندن جهادا چیخماق اجازه سی ایستیهلر اوللار دئگینن ، سیز ابادا "منیله برابر جهادا چیخمیاجاق سیز و منیله برابر دشمنلریله دعوا ائتمیه جک سیز چونکه اول دفعه سیز ایدیز که ائوده قالماغا راضی و خوشحال اولدوز ، پس ایندی ئوزیئریده اوتوروب قالین . (۸۳) و ابادا " اوللارین هیچ بیرینین ، ئولوسونه نماز (میت) قیلما و اوللارین قبرلری اوستونده (دعا یا) توقف ائتمه گینن ، چونکه اوللار الله او پیغمبره کافر اولدولار و ئولدولر او حالدا که فاسق ایدیلر . (۸۴) اوللارین اموالی و اولادی سنی تعجبه گتیرمه سین ، چونکه الله ایستیری منافقلری دنیا یا شاپشیندا ، همانلارین وسیله سیله عذاب ائتسین و جانلاری چیخسین او حالدا که کافر دیلر . (۸۵) و زمانیکه بیر سوره نازل اولدی که الله ایمان گتیرین و اونون پیغمبریله برابر جهاد ائدین ، منافقلرین دولتلی لری اذن ایستهب ، دئدیله که بیزدن ال گوئتور ، قوی بیز ائوده قالانلاریله قالاق . (۸۶) .

اونا راضی اولدولار که ائوده قالانلاریله قالالار . اونلارین
اوره گلرینه مهر (باطل) ووردی تا حقیقتی آنلامایب ود و شونده سینلر .
(۸۷) اما پیغمبر و او کسلی که ایمان گتیریلر ، اونونلار برابر مال لاریله
و جانلاریله جهادا حاضر اولدولار ، بوتون یاخشی لیقلا ر اونلار
اوچوندور و همانلار سعادت اهلیدیر . (۸۸) الله اونلار اوچون بهشت
باغلاری آماد مائید کما یچلرینده چایلار و سولار آخیر و همیشه لیک
اورد ایا شیا جاقلا ر ، بوئوزی بیوگ سعادت دیر . (۸۹) چؤل عرب لریندن
اونلار که گلیب سندن معذرت ایسته دیلر و اجازه ایستیرلر که جهاد دان
معاف اولالار و او کسلی که الله او پیغمبره یالان دئدی لر و جهاد دان گئری
قالدی لر بو ایکی طایفه نین کافر لرینم درد آرتیران عذاب یئتیشه جک .
(۹۰) ضعیفلر و مریض لر اوچون و او کس لر اوچون که بیرزاد تا پا
بیل میرلر خرج ائدملر ، گناه دئیل جهاد دان قالالار و اگر اونلار الله
و پیغمبره خاطر خلقی نصیحت ائدیب و هدایت ائدملر . و صالح
انسانلار اوچون بو یولون زحمتی یوخدور . (جهاد ثوابی و ثرر) و
الله باغیشلیان و رحم ائدندیر . (۹۱) و او کس لر اوچون گناه دئیل
که سنون یانیوا گلیب وسیله ایسته دیلر تا جهادا گئت سینلر و سن
دئدین که منیم و سلیم یوخدور تا سیزه کمک ائدم و اونلار ناچار
قئیتدی لر او حالدا که گوئلری یاش توکور دی و غمگین ایدی لر که منیه
سفر خرجی و وسیله سی تا پا بیل میرلر . (۹۲) تکجه او کس لر اوچون
مذمت یولی وار که دولتی دیلر و سندن اجازه ایستیرلر که (آرواد
او شاقلا ریلر) ائولرینده قالالار (و جهادا گتتمیه لر) الله اونلارین
اوره گلرینه مهر (باطل) ووردی تا حقیقتی بیل میه لر . (۹۳) .

وقتیکه سیز (تبوک ساواشیندان ساغ سلامت مدینهیه) قئیپتدیز ، منافقلسیزدن معذرت ایستییه جگر . اونلار ادئیرسن که بیزدن معذرت ایستمه یین ، بیز داها سیزه اینانماروق ، الله سیزین خبرلریزی بیزه ، خبر وئریب و تئزلیگیله الله و اونون پیغمبری ، سیزین عمل لریزی آشکارا سالاجاق سونرا گیزلین لری و آشکارلاری بیلن اللهین یانینا قئیپدرسیزوالله سیزین اعمالیزی و مجازاتیزی سیزه خبر وئیر . (۹۴)
اونلار سیزه آند ایچه جگر که تخلف لریندن صرف نظر ائده سیز (سیز اینانمایین) و اونلاردان اوز دؤندرین که اونلار نجس و خبیث جماعتدیلر و اونلارین یئرلری جهنم دیرو جهنم اونلارین عمل لری نین جزاسی . (۹۵) اونلار سیزه آند ایچیرلر تا سیزی ئوزلریندن راضی ائده لر ، اگر سیز مؤمنلر اونلاردان راضی اولاسیز ، الله هیچوقت فاسق و گناهکار جماعتدن راضی اولمایاجاق . (۹۶) چؤل عرب لری کفرده و نفاقدا (و جهل ده شهر عرب لریندن) شدتلی و بتردیله و یئری واردر کماللههین احکامی نین حدودینی که پیغمبره گوئندریب ، بیلیمه لر (ولی شهر اهلی نه گرک) و الله تعالی بیلن و حکمتلیدیر . (۹۷) منافق چؤل عرب لریندن واردر که جهادا ، مصرف ائتدیگی مالی ئوزلرینه ضرر و جریمه حساب ائدیله و سیزین اوچون پیس حادثه لره و پیس اولایلار ، منتظر دیله و او حالدا که پیس اولایلار ، اونلارین ئوزلری اوچوندر و الله تعالی ائشیدندیر (اونلارین سؤزلرینی) و بیلندر (اونلارین نیت و قصدلرینی) (۹۸) چؤل عرب لریندن واردیلار که الله و آخرت گونه ایمان گتیریبلر و جهادا مصرف ائتدیگی مالی ، الله یاخین اولماق بیلیرلر و پیغمبرین خیر دعاسین تمنا ائدیله ، بیلین و آگاه اولون که پیغمبرین دعاسی و اونلارین صدقه و انفاقلاری ، الله یاخین اولماقدیر ، الله تعالی اونلاری ئوز رحمتینه داخل ائدر . البته الله یاغیشلیان و رحم ائندیر . (۹۹) .

اونلار که صدر اسلامدا مهاجرلردن و انصارلردن ایمان کئیرمکده قاباغاد وشدولرواو کسلرکه یاخشیلیق ايله اونلاردان تبعیت ائتدیلر ، الله اونلاردان راضیدیر و اونلاردا اللهدان راضیدیلار ، الله اونلار اوچون بهشت باغلاری آماده ائدیپ که ایچلرینده چایلار و سولار آخیر و همیشه لیک اورد ا یاشییا جاقلا ر ، حقیقته بیوگ سعاد ت و ثواب بودر (۱۰۰) و سیزین اطرافیزدا (مدینه نین اطرافیندا) اولان عربلردن بیر عدسی منافق دیلر و مدینه اهلیندن بعضی لری منافق و نفاقدا ثابت دیلر ، سیز اونلاری تانیمرسیز ولی بیز اونلاری تانیریق ، اونلاری ایکی دفعه عذاب ائده جمعیک ، سونرا بیوگ عذابا ساری قئییدرلر . (۱۰۱) و اونلاردان بعضی لری ئوز گناهلارینا اعتراف ائتدیلر و یاخشی عمل لرینی ، پیس عمل ایلدقاریش دیر دیلار ، امید وار که الله اونلارین توبه سین قبول ائتسین . البته الله باغیشلیان و رحم ائدندیر . (۱۰۲) (یا پیغمبر) اونلارین اموالیندان (فقط) صدقه و زکاتین آلگینن تا اونون سببیله پاک اولوب و تزکیه نفس تاپسینلار و اونلار اوچون خیر دعاسی ائتگینن ، سنون دعان اونلارا تسکین واورهگ آرامیدیر و الله تعالی ائشیدن و بیلندر . (۱۰۳) آیا بیلیمیرلر که الله تعالی بندلریندن توبه نی قبول ائدر و صدقاتی آلار ؟ (انسان صدقه وئرنده مالی اللهین الینه دگر) و البته الله چوخ توبه قبول ائدن و رحم ائدندیر . (۱۰۴) (یا پیغمبر) دئگینن ، سیز هر ایش گوئره سیز ، الله اونی گوئورور و پیغمبر و مؤمنلر اونا آگاه اولارلار ، سونرا گیزلین لری و آشکارلاری بیلن اللهین طرفینه قئییدرسیز تاسیزی (خیر و شر) عمل لریزدن ، آگام ائدیپ و جزاسینا یئتیرسین . (۱۰۵) و بعضی لری واردیلار که اونلارین ایشی اللهین مشیتینه و اراده سینده قالیب . الله اونلاری یا (عدل ایلر) عذاب ائدر یا اونلاری (ئوز کرمیندن) باغیشلار و الله تعالی بیلن و حکمتلیدیر . (۱۰۶) .

و او کسیری که مسلمانلارین ضررینه، مسجد قاییردیلار و مقصودلاری کفر و مؤمنلرین آراسینا نفاق و آیریلیق سالماق ایدی و پیغمبرین قدیم دشمنی و محاربینه منتظرایدیلر، بونولار بئلماند ایچیرلر که یاخشی لیقدان سوی آیری بیر منظوریمیز یوخ ایدی والله شاهد دیر که اونلار یالان دئییرلر، (۱۰۷) (یا پیغمبر) ابدان اورا آیاق قویماگینن و او مسجد (قبا) که اول بنا اولان گوندن تقوی پایه سی اوستونده بنا اولوب، حق دیر که اوندان دوروب نماز قیلاسان، او مسجده کیشیلر واردر که دوست توتورلار پاک اولالار والله پاک اولانلاری چوخ دوست توتار، (۱۰۸) آیا او کسی که تقوی پایه سی اوستونده و اللهها خاطر مسجد بنا ائدیر و اللهین رضاسینی ایستیر یاخشیدیر یا او کسی که سئل گاه کناریندا بنا ائده که نئز خراب اولان دیر و آخر او بنا پایه سیندن جهنم اوتونا توکولر (البته اونون بانی لری و ظلم ایلده آباد اولان عدل ایلده ویران اولار) و الله هیچ وقت ظالم جماعتین رهبری اولماز، (۱۰۹) او مسجدی که اونلار (کفر و نفاقیلر) بنا ائدیلر، اونلارین اوره کلریندن شک و شبهه نی آپارماز مگر اونلارین اوره کلری تکه - تکه اولار و الله تعالی بیلن و حکمتلیدیر.

(۱۱۰) حقیقتده الله تعالی مؤمنلرین جانلارین و ماللارین ساتین آلدی اونلار الله یولوندا جهاد ائدیرلر که دشمنلری ئولدورهلر و یا ئوزلری شهید اولالار و بو وعده، الله اوچون حق دیر و عهد دیر که توراتدا و انجیلده و قرآندا یازیلیب و الله دان چوخ وفائندن ئوز عهدینه کیمدیر؟ پس بشارت اولسون بو آلیش و ئریشیزه که ائدیبسیز، بو عهد باغلاماق، بئوک سعادت و ثوابه یئتیشمک دیر. (۱۱۱).

(مۆنلرین صغاتی بونلار دیر) توبه ائندیلر، عبادت ائندیلر،
حمد و شکر ائندیلر، اروج توتاندیلر، رکوع و سجود ائندیلر، خلقی
یاخشی ایشلر تشویق و پیس ایشلردن منع ائندیلر و اللهین
(احکامین) حدودینی حفظ ائندیلر (یا پیغمبر) بشارت و ترگین
ایمان گتیرنلره . (۱۱۲) پیغمبره و او کسلره که ایمان گتیریبلر جایز دئیل
که اللهدان، مشرکلر اوچون باغیشلانماق ایستیلر، حتی اگر اونلارین
یاخین فامیل لریندن اولسا، اوندان سونرا که اونلار معلوم اولدی که
او مشرکلر جهنم اهلیدیلر . (۱۱۳) ابراهیم پیغمبر که آتاسینا، اللهدان
باغیشلانماق ایسته دی، او وعده یه خاطر ایدی که اونا وئرمیشدی چون
اونا آشکار اولدی که آتالیغی اللهین دشمنیدیر، اوندان اوزاق اولدی
البتہ ابراهیم ئوزی چوخ اوره گی نازک و مهربان ایدی . (۱۱۴) وقتیکه
الله بیر جماعتی هدایت ائتدی، اونلاری داها ضالته سالماز تا اونلارا
معلوم ائده که نمزادان گرک پرهیزانده لر مسلما " الله هرزادا عالم دیر .
(۱۱۵) حقیقته گوئلرین و یئرین ملکی و حکومتی الله اوچوندور،
دیریلدی و ئولدوری و سیزین اوچون اللهدان سوای دوست و صاحب
اختیار و کمک ائدن یوخدور (۱۱۶) حقیقتا " الله تعالی پیغمبره و
مهاجرلره و انصاره و او کسلره که چتین ساعتده (و برک موقعیتده)
پیغمبردن تبعیت ائتدیلر، باغیش ائتدی اوندان سونرا که اونلار دان
بیر عده سی نین قلبی (جهاد دان) بی میل اولموشدی گئنه الله اونلاری
باغیشلادی . البتہ الله اونلارا مهربان و رحم ائندیر . (۱۱۷) .

اللہ تعالیٰ باغیشلادی او اوج نفری که (تبوک ساواشیندان)
تخلف ائتمیشدیلر و یئر اوزی اوگنیشلیکده اونلارا، دار گلدی و ئوز
ئوزلریندن تنگه گلدیلر و بیلدیلر که اللہین غضبیدن، اونون ئوزونه
پناه آپارماقدان سوای، بیرپنا میوخدور. سونرا اللہ اونلاردان صرف نظر
ائتدی تا توبه ائدهلر، حقیقتده اللہ در توبه نی چوخ قبول ائیدن و
(بندهلرینه) رحم ائدن. (۱۱۸) ای او کسلی که ایمان گنیریبسیز:
اللہدان قورخون و (همیشه) دوغری دانیشانلاریله اولون. (۱۱۹)
اهل مدینهیه و اونون اطرافیندا اولان چوئل عربلرینه جایز دئیل
که اللہین پیغمبری امریندن تخلف ائدهلر و یا اونون خلاف میلیجه
رفتار ائدهلر. بو اونا خاطر در که هیچ سوسوزلوق و آجلیق و یورقونلوق،
اللہ یولوندا گوئرمزلر، و هیچ قدم که کافرلی غضبناک ائده گوئورمزلر،
و هیچ صدمه دشمنلر هیئتیرمزلر، مگر اونلارا و چون صالح عمل یازیلیمیش
اولار. مسلما "اللہ تعالیٰ یا خشی عمل صاحبترین اجرینی آرادان
آپارماز. (۱۲۰) و هیچ مالی، آز اولا یا چوخ (اللہ یولوندا) مصرف
ائتمزلر، و هیچ منزل یولی کئچمزلر، مگر اونلارین اعمالینا یازیلیمیش
اولار تا اللہ اونلارا، عمل لریندن چوخ یا خشی جزای خیر وئره. (۱۲۱)
مؤمنلر اوچون جایز دئیل که (ساواشا) هامیسی بیردن چیخیب،
گئندلر و پیغمبری یالقوز قویالار (و مرکز اسلامدا هیچکس قالمیا) پس
گرک اونلارین هر طایفه سیندن نئچه نفر قالا لار تا دین احکامینی ئورگشیب
و ئوز طایفه لری قئیدندن سونرا، اونلارا تعلیم وئرمزلر و اونلارا اخطار
ائدملر. اولاکه اونلار قور خوب و (خطا لردن) اوزاق اولالار (۱۲۲).

ای او کسری که ایمان گتیریسیز، (اول) یا خینداکی کافرلریله ساواشین، اونلار گرک سیزده شدت عمل تاپسینلار و بیلین که الله همیشه پرهیزکارلاریله دیر. (۱۲۳) و زمانیکه بیر سورمنازل اولدی، منافقلردن واردر که دئییر: بو سوره سیزین هانکی بیریزه ایمان آرتیردی؟ اما او کسری که ایمان گتیریپلر، اونلارین ایمانینی آرتیریر و اونلار بیر بیرینه بشارت و ثریب و خوشحال اولورلار. (۱۲۴) و اما او کسری که اوره کسری مریض دیر، اونلارین نجس لیگینه، نجس لیک آرتیردی و تولد ولر او حالدا که کافریدیلر. (۱۲۵) آیا منافق لر گوئرمیرلر که هرثیلد مپیر- ایکی دفعه امتحان اولونورلار؟ سونرا توبه ائتمیرلر؟ و (اللهین نعمتترین و احکامین) یادلارینا گتیرمیرلر؟ (۱۲۶) و زمانیکه بیر سوره نازل اولدی، اونلاردان بعضی لری (اشاره ایله) بیر بیرینه باخیب دئییرلر: آیا سیزی بیر نفر گوئردی (اگر متوجه اولمادیلار قالخین گئدک) سونرا هامیسی دوءنوب گئدرلر. الله دا اونلارین اوره کسرین دوءندری (و ایمان نوروندان محروم ائدر) چونکه اونلار بیر جماعت دیلر که آنلامیرلار (و ایستمیرلر آنلیالار) (۱۲۷) حقیقتده سیزین ئوزوزدن سیزین اوچون پیغمبر گلدی، سیزین، ایمان گتیرمه- مگیز، اونا چوخ چتین و آغیر دیر و او سیزین ایمان گتیرمگیزه چوخ حریص و مشتاق دیر و ایمان گتیرنلره مهربان و رحماندندیر. (۱۲۸) (یا پیغمبر) اگراونلار (قبول ائتمه یب و) اوز دوءندردیلر دئگین: الله تعالی مده کفایت ائدر، اوندان سوای هیچ معبود یوخدور، من اونا توکل ائتمیشم و او بئوک عرشین پروردگاری دیر. (۱۲۹).

باغیشلیان رحم ائدن تانری آدینا

الر (قرآنین رموزیندن و اسراریندن دیر) بودر حکمتلی کتابین

آیهلری (۱) آیا خلق تعجب ائتدیلر که بیز وحی ائتدیک بیر کیشیه اونلاردان که خلقی (قیامت عذابیندان) قورخوت و بشارت وئرگینن ایمان گتیرنلره که پروردگارین یانیندا اونلارین دوغری مقاملاری و گوئل اجرلری وار و کافرلر دئدیلر: که بو شخص آشکارا جادوگر دیر

(۲) حقیقتده سیزین پروردگاریز، اللهدر که گوئلری وئیری آلتی گونده (مدت زماندا) یاراتدی. سونرا عرشه توجه ائتدی (خلقین

و خلقتین) بوتون ایشلرینه تدبیر قیلار و هیچ شفاعت ائدن یوخدور مگر اونون اذنیندن سونرا، بودر سیزین اللهیز که پروردگاریز دیر.

پس اونا عبادت ائدین آیا متذکر اولمورسوز؟ (۳) سیزین هامییزین قایداجاق یولوز اونا ساری دیر، اللهین وعده سی حقدیر. حقیقتده

اودر که خلقی اولده یوخدان وجوده گتیریر و سونرا ئوز طرفینه قئیتیریر تا عدالتیله جزا وئرله او کسلره که ایمان گتیریبلر و صالح عمل انجام

وئریبلر و او کسلر اوچون که کافر اولدولار، کفرلری مقابلینده قاینار سو و درد آرتیران عذاب وار. (۴) اواللهی که گونی گوئلده ایشیقلی

قرار وئردی و آیی نور سالان و اونا منزل لر تعیین ائتدی تا ئیل لرین سانیین و حسابین بیلر، الله تعالی بونلاری یاراتمادی مگر حقایله،

الله ئوز آیاتین اهل علم و بیلن لر اوچون مفصلا " بیان ائدیر (آیهلر و نشانلر خلقتده اهل علم اوچون تفصیل وئریلیر) (۵) حقیقتده

گنجه و گونوزون اختلافیندا و هرزاددا که الله تعالی گوئلرده وئیرده خلق ائدیب علامتلر و نشانلر، اهل تقوی اوچون آشکار دیر. (۶).

البته او کسری که بیزیم لفا میزه (گو، روشومیزه) امیدلری یو خودور (آخرتمعتقدئیلر) و دنیا یاشایشیناراضی اولوب و اونا اطمینان ائدیرلر، و او کسری که بیزیم آیا تمیزدن غافل و بی خبردیلر، (۷) اونلارین یئرلری، ائتدیگی عمللرین مقابلینده، جهنم اوتیدیر. (۸) و او کسری که ایمان گنیرییلر و یاخشی اعمال انجام وئریرلر، پروردگار اونلاری، ایمانلارینا سبب، نعمتلی بهشت باغلارینا هدایت ائدر که ایچلرینده چایلار و سولار آخیر. (۹) مؤمنلرین سوئلری بهشتده بودر (که دئیرلر: بارالها، سن پاک و منزه سن، و تحیت - لری اوردا سلام در، و آخر سوئلری بودر: حمد الله که عالم لری پروردگاریدیر. (۱۰) و اگر الله تعالی خلقین خیردعاسین مستجابینده تله سن کیمی، شردعالرینده تله سنئیدی، مسلما "اونلارین هامیسی، هلاک اولاردیلار، ولی بیز او کسری که بیزیم گو، روشومیزه امیدلری یو خودور (و آخرتمعتقدئیلر) ترک ائدیریک تا ئوز طغیانلاریندا و کفرلرینده حیران قالالار. (۱۱) و زمانیکه انسانا بیر ضرر و زیان (جانی و مالی) یئتیشدی، او حالدا که بیر یانی اوسته یاتیب یا اگله شیب یا آیاق اوسته دوروب، بیزی کمکه چاغیرار. وقتی که بیز او ضرری اوندان گو، تور دوک، ائیله گئدر که دئییه سن اصلا "بیزی او ضرردن اوتری که اونایئتیش میشدی، کمکه چاغیرمایب، هابئله زینت وئریمیش اولدی، اسراف ائدنلر اوچون، اونلارین بیس عمللری. (۱۲) و بیز سیزدن قابق قوملری و ملتلری وقتیکه ظلمه مرتکب اولدولار، هلاک ائتدیک و اونلار اوچون پیغمبرلر آشکار دلیللر و حجتلریله گلدیلر، ولی اونلار ایمان گتیرن دئیل دیلر، بو جهته بیز مجرم و گناهکار جماعتی مجازات ائدیریک. (۱۳) اونلاردان سونرا، سیزی اونلارین یئرینده قرار وئردیک تا گو، رهک سیز نئجه عمل ائده جکسیر (ونه ایشلر گو، ره جکسیر). (۱۴).

و زمانیکه بیزیم ایدین ایهلریمیز اونلار اوچون تلاوت اولویدی ،
 اوکسلری که بیزیم (قیامت) گوۋوشومیزه امیدلری یوخ ایدی دئدیله :
 آیری قرآن بوندان سوای گتیرگین یا بونی دگیشدیر ، اونلار ادئگین ،
 منده یئنیشمز که ئوز طرفیمدن اونلاری دگیشدیرم . من تابع اولمارام ،
 مگر اوزادا که الله طرفیندن منه وحی اولوبدی حقیقتاً " من بیوک
 گونون عذابیندن قورخورام که عصیان ائدم . (۱۵) دئگین . اگر الله
 ایسته سئیدی ، من بو قرآنی سیزه اوخومازدیم و سیزی اوندان آگاه
 ائتمزدیم ، من که بوندان قاباق بیر عمر سیزله صرف ائتمیشم پس
 نییه عاقلانه فکر ائتمیرسیز ؟ (۱۶) ظالم راق او کسدن کیمدیر که الله
 افترا و یالان نسبتی وئره ؟ یا اونون آیاتین تکذیب ائده ؟ مسلماً " الله ،
 ظالم لره و گناهکارلارا نجات وئرمز . (۱۷) الله دان سوای بیرزادلارا
 عبادت ائدیله که اونلارا ضرر یا نفع یئتیره بیلملر و دئییرلر که
 بونلار الله یانیندا بیزدن شفاعت ائدندیله . اونلارا دئگین ، آیا
 الله خبر وئیرسیز ، او بتلرین شفاعتیندن که الله بیلیمز ، نه گوۋیلرده
 و نه یئرده ؟ (بیر بئله زاد یوخدر) پاک و اوجادر الله اوزادلاردان
 که اونا شریک قرار وئیرلر . (۱۸) مخلوق (اول خلقتده) تماماً " بیر
 امتیدیلر ، سونرا اختلاف تاپیب فرقه فرقه اولدولار . و اگر پروردگارین
 طرفیندن اولان سؤز و حکم سابقده صادر اولماییدی (که اراده
 ائدیب امتحان اوچون خلقه مهلت وئره) حتماً " اونلارین آراسیندا
 اولان اختلافات (کافرلرین هلاکیله) خاتمه وئرردی . (۱۹) و دئییرلر
 که نییه پیغمبره پروردگاری طرفیندن معجزه گلمدی ؟ (که خلقی ایمان
 مجبور ائده) اونلارا دئگین : بوندان غیر دئیل که غیب فقط الله
 اوچوندور ، پس منتظر اولون و منده سیزله منتظرلردنم . (۲۰)

و زمانیکه بیر، حلقه ضرر یئتلیسدن سونرا، رحمت دادیردییق،
آیا گرک اوندای بیزیم آیاتیمیزه مکر و حيله ائدهلر؟ اونلارا دئگین.
الله قادردیر سرعتيله اونلارا مکر و عذاب ائده مسلما " بیزیم
مامورلاریمیز اونلارین مکر و حيلهلرین یازیرلار. (۲۱) او اللهی که
سیزی قورولوقدا و دریالاردا سیرا ائدییریر، تا زمانی که گمیده سیز
و ملایم یئل ایله حرکت ائدییرسیر، خوشحال سیز، بیردن، تندیل
آسیب و گمینی هر طرفدن خطرله سالا و ئوزوزی هلاکتده گوهره سیز،
اوندای اللهی دینیزده خالص اولان حالدا چاغیرارسیز که بارالها،
اگر بیزی بو خطردن نجات وئره سن، حتما " سنه شکر ائدیلردن
اولاریق. (۲۲) ائيله که بیز اونلارا نجات وئردیک، اوندایئراوزونده
ناحق یئره ظلم ائدییرلر. ای مخلوق بوندان غیر دئیل که سیز دنیا
حیاتینین متاعنا گوهره، ئوزوزه ظلم ائدییرسیر، سونرا بیزه ساری
قئیده جکسیز. اوندای بیز سیزه جزا وئرمک ایله پیس عمل لریزی سیزه
خبر وئره ریک. (۲۳) بوندان غیر دئیل که دنیا یا شایشی نین مثلی
سو کیمیدیر که گویدن نازل ائدییریک، تا اونون وسیله سیله جور و جور
گو ورنیلر، یئردن چیخالار، اونلاردان که انسانلار و حیوانلاری یئرلر،
تا زمانیکه یئراوزی گوئل لنب و بزه نه، و اهالی گمان ائدرلر که
اونلارا قادر و متصرف دیلر، بیردن بیزیم فرمانیمیز گئجه چاغی یا
گونوز یئتیشیب و اونلارین هامی سین بیچیلیمیش قرار وئره، ائيله که
دئیه سن د وئنگی گون، اورداه یچ زادیوخ ایدی، هابئله بیز آیاتیمیزی
عاقلا نه فکرا ندن جماعت اوچون، مفصلا " بیان ائدییریک. (۲۴) و
الله تعالی (خلقین هامی سین) سعادت ائوینه چاغیریر و هر کیمی
ایستیر دوز یولا هدایت ائدیر. (۲۵).

پاڻي جي عمل آڻڻ کيسره يا حقيقي واراڻي جي غرض واراڻو،
 اٺنلارن اٺلرينه هيچوقت قاراليق و ذلت توڙي يئڻيشمز، اٺنلار
 بهشت اهليديلر و هميشههليڪ اوردا ياشيا جاقلا ر. (۲۶) واوکسلي
 كه پيس عمل لره مرتڪب اولدولار، اٺون قدريجه مجازات اولارلارو
 برڪ ذلت دوشلر، اٺنلاري اللهين عذابيندان حفظ اٺن اولماز،
 اٺنلارين قارا اٺلري دئيهسن بير پارچا ظلمت گئجه سيندندير، اٺنلار
 جهنم اٺونون اهليديلر و هميشههليڪ اوردا قالا جاقلا ر. (۲۷) و
 اوگوني كه بيز اٺنلارين هامي سين جمع ائدهريڪ، سونرا مشرڪلره
 دئيهريڪ: سيز و شريڪلريز ئوز يئريزده دورون، سونرا دان اٺنلارين
 آراسينا آيريليقي سالاريق و شريڪلر (بتلر) دئيرلر: سيزتڪجميزه
 عبادت ائتميرديز. (۲۸) بيزيله سيزين آراميزدا اللهين شاهد
 اولماقي كفايت ائدر، بيز سيزين عبادتيزدن غافل و بي خبريديڪ،
 (۲۹) اوگون هرڪس ئوز عملي نين جزاسينا كه قبل "انجام وئريب،
 يئڻيشروهامي ئوز حقيقي مولاسينا طرف قئيتير و او زادلاري كه اللهها
 افترا باغليرديلار، ايتيب آرادان گئدر. (۳۰) دئگين: كيمدير كه
 سيزه گوئيدن و يئردن روزي يئڻيرير؟ و كيمدير كه سيزه (ائشيدن)
 قولاق و (ايشيقل) گوئوئريب؟ و كيمدير كه ديريني ئولودن وئولوني
 ديريدن چيخاردير؟ (وجوده گئيرير؟) و كيمدير كه تمام ايشلري
 تدبير ائدير؟ دئيه جگر البته اللهدر. دئگين: پس نيه اللهدان
 قورخمورسيز؟ (۳۱) بو سيزين قادر اللهيزدير كه سيزين الحق
 پروردگاريزدير، حقن سواي هر نه اولسا باطل و ضالتهدير، پس
 (بو علم و آگاهيدان سونرا كه سيزميئڻيشيب) هارا گئديرسيز؟ (۳۲)
 هابئله پروردگار يوين (عذاب) كلمه سي او كسلر اوچون كه فاسقديلر،
 مستحق اولدي اوندان اوتري كه اٺنلارايمان گئيرن دئيللر. (۳۳).

دڭگين: آيا سيزين بت لريزدن واردير كه خلقى يوخدان خلق
انديب سونرا اونلاري قئيتره؟ دڭگين: تكجه قادر الله دير كه خلقى
يوخدان وجوده گتيريب سونرا اونلاري (ئوز طرفينه) قئيتُرر، پس نييه
بو قادر الله يا لان نسبتى وئيريسيز؟ (۳۴) دڭگين: آيا سيزين
بت لريزدن واردير كه بير كسى حق يولونا هدايت ائده؟ دڭگين:
تكجه الله دير كه خلقى حق يولونا هدايت اندير. آيا او اللهى كه
خلقى حق يولونا هدايت اندير، لايق (عبادت) ديريا او كه هدايت
ائتمير؟ مگر ئوزونى حركت وئرهلر، پس سيز مشركلره نه اولوب كه
بوجور (جاهلاننه) قضاوت و حكم انديرسيز؟ (۳۵) اونلارين چوخي
فقط ظن و گماندان تبعيت انديرلر و ظن و گمان بير كسى حقدن
بى احتياج ائتمز و الله اونلارين عمل لريندن آگاهدير. (۳۶) و بو
قرآن الله دان سواى آيرى سيني يانيندان گلميش يالان و افتراء ئيل.
بلكه گوى كتابلارين تصديق اندير و اللهين احكامين تفصيل ائدن
كتابدير كه هيچ شك و شبهه اوندا يوخدر و عالم لرین پروردگارى
طرفيندن گليب. (۳۷) آيا دئييرلر كه او يالان و افتراءدير، دڭگين:
پس سيزده بير سوره بونون مثلين گتيرين و الله دان سواى هر كسدن
ايستيرسيز و قدرتى وار، كمك آلين اگر سيز دوزدئييرسيز. (۳۸) و
كافرلر اوزادى تكذيب انديرلر كه اونا علم ايله تسلط لري يوخدر و
اونون حقيقى معناسين درك ائتميرلر، اونلاردان قبا قكيلاردا، بونلار
كىمى تكذيب ائنديلر، پس باخ گور ظالم لرین آخرو عاقبتى نئجه
اولدى؟ (۳۹) خلقدن بعضى لري قرآنا ايمان گتيريرلر و بعضى لري
ايمان گتيرميرلر و ستون پروردگارين فساد ائدنلري تانير و اونلارا
عالم و آگاهدير. (۴۰) و اگر سنى تكذيب ائنديلر، اونلارا دڭگين:
منيم عمليم منيمكى و سبرين عملير سيزينكيدير، سيز منيم عمليمدن
اوزاق و منده سيزين اعماليزدن اوزاقام. (۴۱) و اونلاردان بعضى لري
سنون سؤزلريوه قولاق وئيريرلر (ولى اونلاري ائشيدهبيلميرلر) آيا سن
كار آدمه كه عقل و ادراكى يوخدر، سؤز ائشيتديره بيلرسن؟ (۴۲).

و اونلاردان بعضی لری واردیر که سنه ساری باخیرلار (ولی
اینانان اوره کلری یوخدر) آیا سن کور آدمی هدایت ائده بیلرسن ،
اگر اونون گوئن گوئی اولماسا ؟ (۴۳) مسلمان الله تعالی خلقه هیچوقت
ظلم ائتمز ، ولی خلق ئوز لرینه ظلم ائدیملر . (۴۴) و او گونی که
تمام مخلوق جمع اولارلار ، دئیهمسن (دنیاده) بیر ساعتدن آرتیق
قالما یبلار ، اوگون بیر بیرینی کاملاً " تانییارلار ، حقیقتده زیانکار
اولدولار او کسلر که اللهین گوئروئون تکذیب ائدیملر و هدایت
تاپمادیلار . (۴۵) (یا پیغمبر) بیر سنون ساغلیغیندا اونلارا وعده
وئردیگیمیز عذابلارین بعضی سین ، سندنشان وئره ریکیا (او وعده لردن
قاباقجا) سنه وفات باغیشلاریق ، سونرا اونلارین قایداجاق یولی
بیزیم طرفیمیزه دیر . البته الله اونلارین (دنیاده ائدیملری) عمل
لرینه شاهد و ناظر دیر . (۴۶) و هرامت اوچون پیغمبروار ، وقتیکه
پیغمبرلری کلدی ، اونلارین آراسیندا عدالتیله قضاوت و حکم اولونار
و هیچ کسه ظلم اولماز . (۴۷) و دئیملر که بو (قیامت) وعده سی
هاچان اولاجاق اگر سیز دوز دئییر سیز ؟ (۴۸) دئگین : من شخص
ئورومون زیانیماقازانجی مالک دئیلیم مگر اوزادی که الله ایستدیب ،
هر امت اوچون بیر وقت معین وار ، زمانیکه اونلارین وقتی گلیب
چاتدی ، نه بیر ساعت دالیا دوشرونه بیر ساعت قاباغا گئچر . (۴۹)
دئگین : اگر گوئره سیز که اللهین عذابی گئجه وقتی یا گونوز چاغی
سیزه یئتیشدی (هارا قاچاجاق سیز ؟) نه اوچون گناهکارلار (توبه
عوضینه) عذاب نازل اولماغا تله سیرلر ؟ (۵۰) آیا اونداه عذاب
واقع اولدی ، اونا ایمان گتیریب و ایناندیز ؟ آیا ایندی ایمان
گتیریر سیز ؟ بیر صورتده که سیزایدیز ، عذاب تله سیردیز . (۵۱) سونرا
او کسلره که ظلمه مرتکب اولوبلار ، دئییلی : جهنمین همیشه لیک
عدابین دادین ، آیا بو عذاب سیزین قازاندیغیز عمل لرین
نتیجه سیندن سوادیر ؟ (۵۲) و سندن خبر آلیرلار که آیا بونلار حق دیر
(دوز دیر) دئگین : بلی آند اولسون پروردگاریم که اونلار تماما "
حق دیر و سیز اونلاری تضعیف ائدن دئیل سیز . (۵۳) .

و انگو (اوگون) ظلم ائدن ساجل یئر اوروگون مالدی اوردوبونون وارلیقین فداائده تائوزون عذابدان قورتارا (اوندان قبول اولونماز) وقتیکه عذابی گوئردولر، حسرت و پشیمانلیق لارین گیزلمدرلر و اونلارین باره سینده عدالتیله قضاوت و حکم اولونار و کیفرلرینده هیچ نوع ظلم و بی عدالت لیک گوئرمزلر. (۵۴) ای مخلوق؛ بیلین و آگاه اولون هر نه که گوئلرده وار و هر نه که یئرده وار تماما "اللهین کیدیر و بیلین که اللهین وعده سی حقدیر ولی خلقین چوخی بو حقیقتدن آگاه دئیل لر و بیللمیرلر. (۵۵) اللهدر که ئولونی دیریلدی و دیرینی ئولدوری، و (سیر انسانلار هامیز) اونا ساری قئییت رسیز. (۵۶) ای مخلوق؛ حقیقتا "سیره پروردگاریز طرفیندن موعظه و نصیحت ائدن (قرآن) گلدی که اوره کله شفا و ئرن دیر و هدایت و رحمت دیر مؤمنلره. (۵۷) دئگین؛ اللهین فضلیده و رحمتیده و قرآنی نازل ائتمگینه، اونلار گرک خوشحال اولسونلار و قرآن تمام مال و ثروتدن که اونلار (دنیا ده) جمع ائدیرلر یا خشیدیر. (۵۸) دئگین؛ آیا توجها ئدیر سیر اورادی که الله تعالی سیره روری گوئندرب، اونلاردان بعضی سین حرام و بعضی سین حلال قرار وئیر سیر؟ دئگین؛ آیا الله سیره بو اجازه نی وئرب، یا که الله افترا و یالان نسبتی وئیر سیر؟ (۵۹) او کس لری که الله یالان و افترا نسبتی وئیرلر قیامت گونونون باره سیده نه گمان ائدی لر (نه جواب وئره کله) البتة اللهین خلقه آریق مرحمتی وار اما اونلارین چوخی شکرا ئدن دئیل لر. (۶۰) یا پیغمبر بیل که سن دین امرینده (هیچ ایشده و هیچ حالدا اولما زسان، و هیچ آیمنی قرآندان اوخوما زسان، و هیچ ایسی جماعتیله برابر گوئر مزن، مگر بیز سیره شاهد و ناظر یک زمانیکه او ایشلره باشلیر سیر. بیز ذرمنین آغیرلیقیجه نه یئرده و نه گوئیده اوندان کیچیک اولایا بئوک، سون پروردگاریندان گیزلین دئیل و هامیسی اللهین آشکار کتابیندا یازیلیب. (۶۱).

بیلین و آگاه اولون که اللهین دوستلارینا هیچ قورخی یوخدر
واونلارغمگین اولمیا جاقلار . (۶۲) او کسلی که اهل ایمان واللهدان
قورخاندیلار (اللهین دوستی دیلر) (۶۳) دنیا یاشایشیندا و آخرت
عالمینده اونلارا بشارت اولسون ، اللهین کلماتینه و سوؤ زلرینده تغییر
و تبدیل یوخدر و بو بیوک سعادت دیر (که اللهین دوستلارینا نصیب
اولاجاق) (۶۴) (یا پیغمبر) اونلارین (کافرلرین) سوؤ زلی سنی
غمگین ائتمه سین . مسلما " تمام عزت و عزیزلیک اللهیا مخصوص دیر
واوهرزادی ائشیدن و بیلندیر (۶۵) آگاه اولگین او کسلی که گوؤ یلرده
و یئرده وار هامیسی اللهین کیدیر و شرک کرده اللهدان سوای ،
آیریسینا تابع دئیل لر فقط ظن و گماندان تبعیت ائدیرلر و یالان
توخوماقدان سوای آیری ایشلری یوخدر . (۶۶) او اللهی که گنجمنی
قرار وئردی تاسیر اوندان استراحت ائده سیز و گونوزی ایشیقلی ائتدی
(تا اوندان ایشلیه سیز) حقیقتده (بو گونلرین دولانماسیندا اللهین
قدرتیندن و حکمتیندن) نشانه لر و علامت لر وار ، او جماعت اوچون
که حق سوؤ زون ائشیدیرلر . (۶۷) کافرلر دئدیلر ، الله ئوزونه اولاد
قائل اولوب (نه - ابدان) او پاک و مقدس و بی احتیاج دیر ، هر نه که
گوؤ یلرده و یئرده وار اونون کیدیر ، سیز کافرلر ئوز سوؤ زوزه هیچ بیر
دلیل و حجتیز یوخدر . آیا بیلمه دیگیز سوؤ زی اللهین باره سینده
دانی شیر سیز ؟ . (۶۸) دئگین ، مسلما " او کسلی که اللهیا یالان و
افترا نسبتی وئیرلر (جهنم عذابیندان) نجات تاپمیا جاقلار . (۶۹)
(بو یالانلارین هامیسی) دنیا مالیندان اوتریدر ، سونرا اونلارین
قایداجاق یولی بیزیم طرفیمیزه دیر تا اونلارا کفرلری اوچون شدتلی
عذابی دادیزاق . (۷۰) .

(یا پیغمبر) ، اولار نوح پیغمبرین اخبارین اوچتینین ، رسالته
 ئوز قوما دئدی: ای جماعت اگر منیم رسالتیم و اللهین آیاتین
 تذکر و ثرمک، سیزه آغیر گلیر، منکه اللهیا توکل ائتمیشم، سیزده
 بوتون فعالیتیزی و شریکلیریزی جمع ائدین تا هیچ زاد سیزه گیزلین
 قالما سین و منیم بارهمده هر نه تصمیمیز وارسا، عمل ائدین و منه
 مهلت و ثرمهین. (۷۱) و اگر سیز اوز دؤنדרه سیز، من سیزدن اجر
 و مزد ایستیمیرم، منیم اجریم فقط الله یانیندادیر و من امر اولونموشام
 که مسلمانلاردان اولام. (۷۲) نوحون قومی اونى تکذیب ائتدیلر،
 بیز نوحی و اونون تابع لرین گمیده نجات و ثردیک و اوللاری، سوندا
 گلنلر و وارثلر قرار و ثردیک و اوکسلی که بیزیم آیاتیمیزی تکذیب
 ائدیردیلر، هامی سین طوفانیله غرق ائتدیک. پس باخ گوږ اخطار
 اولونموشلارین آخر و عاقبتی نئجه اولدی؟ (۷۳) نوح پیغمبردن
 سونرا گنده پیغمبرلر، ئوز قوملارینا ساری گوږندردیک و پیغمبرلر،
 اوللارا آیهلر و معجزه لر گتیردیلر ولی اوللار همان آیاتى که قباقلار
 تکذیب ائتمیشدیلر، تکذیب ائتدیلر و ایمان گتیرمه دیلر، بودر که
 بیز تجاوزکارلارین اوره گلرینه مهر (باطل اولدی) و وروروق. (۷۴) و
 پیغمبرلردن سونرا موسی نی و هارونی فرعونده و اونون قوم نین بیوگترینه
 طرف گوږندردیک، اوللار تکبرلیک ائتدیلر و اوللار مجرم و گناهکار
 جماعتیدیلر. (۷۵) و چون بیزیم طرفیمیزدن حق (معجزه لر)
 اوللارا گلدی، دئدیلر: بو آشکارا جادودیر. (۷۶) موسی
 اوللارا دئدی: آیا سیزه گلن حق معجزه لر، سحر و جادو
 دئییر سیز، بیر صورتده که جادوگرلر هیچوقت نجات تاپمازلار. (۷۷)
 اوللار دئدیلر: آیا سن گلیبس که بیزی ئوز دینیمیزدن که آتا بابامیزی
 اوندان تاپمیشیق، قئیره سن؟ و ئولکه ده حکومت و بیوگلوک سیزا یکی
 قارداشین اولما؟ بیز سیزه ایمان گتیرن دئیلیک. (۷۸).

و فرعون (نور تابع لرینه) دئدی. تمام بیلجی جاد و گولری منیم یا نیا گتیرین. (۷۹) و قتی که جاد و گولری یغیشدی لار، موسی اونلار دئدی: هر نه آتمالیز و آتون. (۸۰) و چون جاد و گولر، بساط لارین آچدی لار، موسی دئدی: هر نه جاد و گتیری بسیز، الله اونلارین هامی سین باطل ائدر. مسلما "الله فساد ائدنلرین عملین اصلاح ائتمز. (۸۱) واللہ تعالیٰ ئوز کلماتیله حق ثابت ائدر حتی اگر گناهکارین اوندان کراحتلری اولسا (و خوشلاری گلمه سه) (۸۲) اوندان سونرا هیچکس موسی یه ایمان گتیرمه دی مگر او قومین جوانلاری او حالدا که فرعونون و بیوکلرین شکنجه لریندن بتر قورخوردیلار، چونکه فرعون بیثرا و زونده چوخ جاه طلب و (شکنجه و ترمکده و آدم ئولدورمکده) حددن چیخمیشلاردان ایدی. (۸۳) موسی دئدی: ای جماعت اگر سیز حقیقتا "اللهایمان گتیری بسیز پس اونا توکل ائدین اگر سیز مسلمان سیز (اگر اللهین آمریده تسلیم اولوب سوز) (۸۴) (موسی نین تابع لری) دئدی لار: بیزیم توکلیمیز اللهادر، پروردگارا، بیزی ظالم قومین شرارتی آلتیندا قرار و ترمه گینن. (۸۵) و ئوز رحمتیندن بیزی کافر قومین شرارتیندن نجات و ترمگینن. (۸۶) و بیز موسی یه و قارداشینا وحی ائندیک که سیز و تابع لریز مصر شهرینده منزل توتون و ائولریزی محل عبادت و تجمع قرار و ترم و نماز قیلین و مؤمنلر او چون بشارت اولسون (که نجات تاپا جاقلار) (۸۷) و موسی دئدی: پروردگارا، البته سن ئوزون فرعون و اونون قومین بیوکلرینه، دنیا یا شاپشیندا زینت و مال و دولت و تریبس که سنون یولوندان چیخیلار، پروردگارا، سن اونلارین مال و ثروتلرین محوا تگینن و او ره کلرینی برکیتگینن که اونلار ایمان گتیرن دئیللر تا و قتی که درد آرتیران عذابی گورهلر. (۸۸).

الله بویوردی؛ سیزین دعاز قبول اولوندی، پس هرایکبر (خلقی ایمانا دعوت ائتمکده) مستقیم و ثابت قدم اولون وهیچوقت اوکسلرین یولوندان کهجاهل دیلروبیلیمیرلر تبعیت ائتمدین . (۸۹) و بیز بنی اسرائیلی دریادان (بیوک چایدان) سلامت گئچیرتدیک . فرعون و اونون قشونی عداو تيله اونلارین دالیجا دوشدولرتاوقتی کهفرعون یقین ائتدی کهغرق اولور،اوندا دئدی: من ایمان گتیردیم که اللهدان سوای هیچ معبود یوخدر که بنی اسرائیل اونا ایمان گتیریبدی و منده تسلیم اولانلاردانام . (۹۰) (خطاب اولوندی) ایندی ایمان گتیریرسن؟ بیر صورتده که بوندان قابق عصیان ائدیردین و فساد ائدنلردن ایدین . (۹۱) پس بوگون سنون بدنوی سودان قیراغاچیخارداریق تاسندن سونرا گلنلره عبرت اولسون البته خلقین چوخی بیزیم آیتلریمیزدن غافل دیلر . (۹۲) و بیز بنی اسرائیله صدق ایله مسکن وئردیک و پاک نعمتلردن اونلارا روزی یثتیردیک ، اونلار اختلاف ائتمه دیلر تا وقتی که علم و آگاهی (قرآن و پیغمبر اسلام) اونلارین هدایتی اوچون گلدی ، مسلما " سنون پروردگارین قیامت گونی اونلارین آراسیندا اوزادلاردا که اختلاف ائدیردیلر، قضاوت و حکم ائدهجک . (۹۳) و اگر اوزادین باره سینده که سنهازل ائتمیشیک ، شک و تردیدین اولسا ، او کسلردن سؤروش گینن که سندن قابق کتاب (تورات وانجیل) اوخویورلار ، البته حق (قرآن) پروردگاریوین طرفیندن سنه گلدی پس گرک که شک ائدنلردن اولمیا سان ، (۹۴) و گرک که او کسلردن اولمیا سان که اللهین آیاتینی تکذیب ائتدیلر ، اوندان عالمین زیانکاریندان اولارسان . (۹۵) البته اوکسلری که پروردگاریوین عذاب حکمی ، اونلارا مقرر اولدی ، اونلار ایمان گتیرمزلر . (۹۶) حتی اگر تمام آیهلر اونلار اوچون گله ، تا وقتیکه درد آرتیران عذابی گؤرهلر . (۹۷) .

نییه ترک هیچ شهر و دیارین اهالیسی (عذاب نازل اولان حالدا) ایمان گتیرمیهلر تا ایمانلاری اونلارافایده یئتیره؟ مگریونس پیغمبرین قومی که (عذاب گلن حالدا) ایمان گتیردیلر و بیز اونلاردان رسوالیق و ذلیل لیک عذابین دنیا یا شاپشیندا گوئورد وک واونلاری تعیین اولموش وقته کیمی بهرمند ائتدیک. (۹۸) و اگر سنون پروردگارین ایستیه یئر اوزونده اولان تمام مخلوقین هامیسن ایمانا داخل ائدر (ولی اجباریلده ایستمیر) آیا سن ایستیرسن که خلقی زور واکراهیلده اهل ایمان ائدهسن؟ (۹۹) هیچ کسه یئتیشمز که ایمان گتیره مگر اللهین اذنیله والله تعالی پیس لیگی و عذابی او کسلر اوچون قرار وئرر که عاقلانه فکر (و عمل) ائتمیرلر، (۱۰۰) (یا پیغمبر) دئگین: (بصیرت گوئزیله) گوئیلرده و یئرده اولان نشانلرماخی (و اللهین قدرت نشانلرین گوئرون) او نشانلر و علامتلر و اخطار ائدنلر (پیغمبرلرین هدایتی) ایمان گتیرمهین جماعته کفایت ائتمز. (۱۰۱) آیا اونلار ئوزلریندن قباقلیلارین هلاکتیندن سوای گونلره منتظر دیلر؟ دئگین، پس منتظر اولسون، منده سیزیلده منتظرلردنم. (۱۰۲) سونرا بیز نجات وئرهریک ئوز پیغمبرلریمیزی واکسلری که ایمان گتیریلر، هابئله واجدیر بیزه که اهل ایمانی نجات وئرک. (۱۰۳) (یا پیغمبر) دئگین که ای جماعت اگر منیم دینیمده شکیز وار، من عبادت ائتمیرم اوزادلارا که سیز عبادت ائدیرسز اللهدان غیریسینه. اما من عبادت ائدیرم واللهاکه سیزی ئولدورر و من امر اولونموشام کماللهایمان گتیرنلردن اولام. (۱۰۴) و (الله منده امر ائدیپ که) اوزووی پاک دینه ساری توتگین و ابدا "مشرک جماعتدن اولماگین. (۱۰۵) واللهدان سوای اوزادی چاغیرما و عبادت ائتمه که سنده نفعی و ضرری یوخدر (اگر عبادت ائدهسن یا ائتمیهسن، سنده نفع یا ضرر یئتیره بیلمز) اگر سن بوایشلردن گوئرهسن اوندا حتما "ظالملردن اولارسان. (۱۰۶).

و اگر الله تعالى سته ضرر یتثیره الله دان سوای هیچکس قادر
دئیل اونی دفع ائده و اگر الله سته یاخشلیق ایستیه ، پس یوخدر
اللهین فضلینی رد ائدن . یتتیرر خیری ئوز بندلریندن هرکسه که
ایستر و الله (بنده سینین گناهین) باغیشلیان و (اونا) رحم
ائنددیر . (۱۰۷) (یاپیغمبر) دئگینن کهای جماعت حقیقتا "پروردگاریز
طرفیندن سیزین هدایتیز اوچون حق (قرآن) گلدی ، پس هرکس
هدایت تاپدی ، مسلما "شخص ئوزونه هدایت تاپیب وهرکس ضلالت
دوشدی ، مسلما "شخص ئوزونی ضلالت سالیب و من سیزین اعمالیزه
وکیل و صاحب اختیار دئیلیم . (۱۰۸) (یاپیغمبر) سن ، الله دان
گلن وحیه تابع اولگینن و صبرائله تاوقتیکه الله (سنیله مخالف لرین
آراسیندا) حکم ائده و او حکم ائدنلرین یاخشی سیدیر . (۱۰۹) .

۱۲۳ - آیه

۱۷۲۵ - کلمه

۱۱ - هود سوره سی

۱۳ - بعثت ئیلی

باغیشلیان رحم ائدن تانری آدینا

الر (قرآنین رموزیندن و اسراریندن دیر) بو قرآن بیرکتابدیر
کفا و نون آیاتی محکم اولونوبدی ، سونرا حکمتلی و آگاه اولان اللهین
طرفیندن تفصیل و ثریلیبدی . (۱) که عبادت ائتمهین مگر الله ،
حقیقتده من اونون طرفیندن اخطار ائدن و بشارت و نهم . (۲) و
پروردگاریزدان باغیشلانماق ایستهین سونرا (عمل لریندن) توبه
ائدیپ و اوناساری قئییدین تاسیزی تعیین اولموش و قته کیمی یاخشی
متاع لريله بهره مند ائتسین و هر احسان صاحبینه مرحمت پویورسون
و اگر اوز دؤندره سیز ، من بیوک گونون عذابیندان سیزه قورخورام .
(۳) سیزین قایتماق یئرین الله طرفینه دیر و اونون هرزادا باشاریغی
وار (۴) بیلین که اونلار (منافقلر) سینهلرین بیر بیرینه یاخین
ائدیرلر تا ئوزلرین پیغمبردن گیزلین ساخلیالار ، آگاه اولون اونلار
هر قدر پالتارلارین باشلارینا چکه لر ، الله اونلارین گیزلین و آشکار
(نیت لرین) بیلیر مسلما " او اوره کلرین ذاتینا آگاه دیر . (۵) .

یتر اوزونده هیچ حرکت ائدن یوحدرمکر اونون رورسی الله ایلده
 دیر و الله اونون دائمی یئرین و موقتی یئرین بیلیر. اونلارین
 هامیسی مبین کتابدا یازیلیب. (۶) او اللهی که گوئلری و یئری
 آلتی گونده خلق ائتدی و اونون عرشى سو اوستونده ایدی تاسیزی
 امتحانا چکه که هانکی بیریزین عملی و رفتاری گؤزل و یاخشیدیر
 (یا پیغمبر) اگر بونلار ادئییه سن که سیز ئولندن سونرا دیریلده جکسیر،
 کافرلردئییه جکیر: بوسؤزلر آشکارا جادودان سوای بیر زاد دئیل لر.
 (۷) و اگر بیز عذابى اونلاردان (بیر عده نین خاطرینه) نئچه مدت
 دالیا سلاق، اونلار دئییه جکیر: نمه مانع اولدی؟ (که عذاب
 گلمدی؟) بیلین و آگاد اولون اوگونى که عذاب گلیب یئتیشه، اوندان
 نجات تاپماق ممکن دئیل و او عذابى که مسخره ائدیردیلر اونلاری
 بتر گرفتار ائده جک. (۸) و اگر بیز انسانا ئوز رحمتیمیزدن دادیزاق،
 سونرا او نعمتی اونون الیندن آلاق، مسلما "مایوس اولوب و کفر
 ائدر. (۹) و اگر انسانا ضرر یئتیشدن سونرا، نعمت دادیزاق، دئیر
 که پیس لیک زمانی کئچیب گئتدی داها من هیچ پیس گون گؤرمرم،
 خوشحال اولوب فخر ائدر. (۱۰) او کسلردن سوای که (مصیبت لره
 و جانی و مالی ضررلرینه) صبر ائدیپ و دؤزورلر و یاخشی عمل انجام
 وئیرلر. باغیشلانماق و بؤوک اجر اونلار اوچوندور. (۱۱) (یا
 پیغمبر) اولماسین که بعضی آیاتی که سنه وحی اولونور، ترک ائدیپ
 و تبلیغ ائتمیه سن و اوره گین تنگیشیر که دئییرلر: نییه بس یونا گوئیدن
 خزانه و مال گلمیر و اونونلا ملک گلمدی؟ بوندان غیر دئیل که سن
 فقط اخطار ائدنسن و هر شیئه وکیل و صاحب اختیار الله در. (۱۲).

یاکه دئییرلر: قرآن یالان و افترا دیر، دئگین، پس سیزده
اون سوره او افترالارین مثلین گتیرین و هر کیمدن باشا ریسیز،
اللهین و حییندن سوی، کمک آیین اگر سیز دوغری دئییرسیز.
(۱۳) و اگر قبول ائتمیب و باشارا بیلمه دیر، پس یقین بیلین که
قرآن فقط اللهین علمی ایله نازل اولوب که اوندان سوی هیچ معبود
یوخدر، آیا سیز تسلیم امر اولورسوز؟ (۱۴) هر کس دنیا یا شایشینی
و اونون زینت لرین ایستیه، بیز اونلارین اجرینی، عمل لری،
مقابلینده تمام و کمال وئرهریک و اونلارین اجریندن بیرزاد اسگیگ
اولماز. (۱۵) همانلاردیلار که آخرتده اوندان سوی نصیب لری
اولماز و بوتون قاییردیقلاری دنیا ده آرادان گئدیپ و عمل لری باطل
اولار. (۱۶) آیا او کسی که (او پیغمبری که) پروردگاری طرفیندن
آیدین دلیلی وارو اونون شاهی اونی اوخویر و اوندان قباق موسی
پیغمبرین کتابینا که رهبر و رحمتدیر ایمان گتیریبلر؟ (او کسین
مثلی دیر که الینده هیچ دلیلی اولماسین؟) خلقین فرقه لریندن
هر کس اونا کافر اولار، وعده گاهی جهنمین اوتیدیر، بوندا هیچ شک
و شبهن اولماسین که بو وعده پروردگاریوین طرفیندن حق و قطعی دیر
ولی خلقین اکثری ایمان گتیرن دئیل لر. (۱۷) ظالم راق او کسدن
کیمدیر که الله افترا و یالان نسبتی وئرهر؟ اونلاری پروردگارین
حضورینده گتیرلر و شاهدلر دئیرلر: بونلاردیلار که پروردگار یالان
نسبتی وئریردیلر، بیلین که اللهین لعنتی ظلم ائدنلرهدیر. (۱۸)
او کسلر که خلقی اللهین یولوندان قدغن ائدیپ و او یولدا کژلیک
و بوروشوق آختاریرلار و همانلار آخرت لرینده اینانمایب و کافر دیلر.
(۱۹).

اونلار اللهی یئر اوزونده عاجز ائده بيلمزلر واللهدان سواي
اونلار اوچون دوست و مددچی اولماز، اونلارين عذابى ايکى برابر
اولاجاق، چونکده اونلار قادرايديلر ائشيدمگه و قادر ايديلر گورهلر.
(۲۰) همين بونلارديلار که ئوز نفسلرينده ضرر وورديلار و هر نه که
افترا باغليرديلار، هاميسى ايتيب آرادان گئدر، (۲۱) آنجاق اونلار
آخريته چوخ زيان گورنلرديلر، (۲۲) البته او کسلى که ايمان
گيردیلر و صالح عمل انجام وئردیلر و پروردگارین طرفينه ئوزلرين
آلچاق ائديب و (اونون رحمتينه) آرخاين اولدولار، همانلار بهشت
اهليديلر و هميشه ليک اوردا اولاجاقلار. (۲۳) بو ايکى فرقمنين
(کافر و مومن) مثلى کور و کار - گورن و ائشيدن شخص کيميدير،
آيا بو ايکى آدم مثله ده برابر اولا بيلرمي؟ پس نه جهته نصيحت
قبول ائتميرسيز؟ (۲۴) و بيز نوح پيغمبرى قومنا ساري گورنردیک،
او قومنا دئدی: حقيقتده من سيزين اوچون آشکار اخطار ائده نم.
(۲۵) که اللهدان سواي هيچ کسه عبادت ائتمهين البته من درد
آرتيران گونون عذابيندان سيزين اوچون قورخورام. (۲۶) اونون
کافر قومنين بيوکلري دئديلر: بيز سنى ئوزوموز کيمي بشردن آرتيق
گورميریک و سئون تابع لريوى بير عده آلچاق آدملردن آرتيق
تانيميريق که اول امرده سنه تابع اولوبلار و سنده بير آرتيقليق
(نشانه سي) ئوزوميزه نسبت گورميریک، بلکه (برعکس) سنى و
تابع لريوى يالانچيلاردان گمان ائديریک، (۲۷) نوح دئدی: اي
جماعت آيا سيز گورورسيز که من آشکار دليل ايله پروردگاريم
طرفيندن و ارام و منه ئوز يانيندان رحمت گورندير، پس بو حقيقت
سيزه قارائليقدير، آيا من سيزي ايماننا مجبور ائديرم؟ و سيز اونا
اظهار تنفر ائديرسيز. (۲۸).

ای جماعت، من سیزدن اجر و مزد ایستمیرم، منیم اجریم تکجده اللهیله دیرو من هیچوقت او کسلی که ایمان گتیر ییبلر هر قدر یوخسول و فقیر اولالار، ئوز یانیمدان قوومارام، مسلما "اونلار پروردگاری ملاقات ائده جگر و لکن من سیزی جاهل و آنلامیان بیر جماعت گوئورم. (۲۹) و - ای جماعت، اگر من اونلاری ئوز یانیمدان قووام، کیم منه اللهین غضبیدن کمک لیک ائدر؟ پس نییه نصیحت قبول ائتمیر سیز؟ (۳۰) من دئمیرم که اللهین خزینهلری منیم یانیمدادیر و علم غیبدن آگاه دئیلیم و دئمیرم که من ملک و دئمیرم او کسلی که سیزی نظریزده اسگیل دیلر، الله اونلارا اجر خیر یئتیرمیه جک، اونلارین اوره کیرینه الله ئوزی عالم دیر (من اگر اونلاری ئوزومدن اوزاق ائتمم) مسلما "اوندا ظالم لردن اولارام. (۳۱) دئیلر یا نوح، سن بیزله چوخلی دانیشدین و چوخلی جر و بحث ائتدین ایندی اگر دوز دئییر سن او عذاب وعده سین که بیزه وئیر سن، نئز گنیرگین. (۳۲) نوح دئدی: بوندان غیر دئیل که اگر الله ایستیه او عذابی سیزه یئتیر و سیز اونون قاباغین آلان دئیل سیز. (۳۳) و منیم نصیحت لریم داها سیزه فایده وئرمز که من ایستییم سیزه نصیحت وئرم، اگر الله ایستیه سیز ضالانده قالاسیز، او سیزی پروردگار یزدیروا و ناساری قئید ده جک سیز. (۳۴) (یا پیغمبر) آیا دئییرلر که او افترا و یالاندیر؟ دئگین، اگر او افترا دیر، اونون گناهی منه دیر و من او گناه لاردان که سیز ائدیر سیز، اوزاقام. (۳۵) و نوح پیغمبره وحی اولوندی که بو عده دن سوای که قاباقجا ایمان گتیریبلر، سنون قومیندن داها ایمان گنیرن اولماز، پس سن اونلارین ائتدیگی عمل لره غمگین اولما. (۳۶) و باشلا بیزیم نظریمیز آلتیندا و بیزیم دستوریمیز یله (بُیوک) گمی قاییرگین و ظالم اشخاصین باره سینده که حتما غرق اولاجاقلار، منی داها مخاطب قرار وئرمه گین. (۳۷).

نوح دئدی. اگر سیز ایندی بیزی مسخره ائدیر سیز، بیزده سیزی
 نحه که سیز مسخره ائدیر سیز، مسخره ائده جدییک. (۳۸) پس بو
 تزلیکده بیلده جکسیر که رسوالیق عذاب کیملره یئتیشه جک و کیملره
 همیشه لیک عذاب واجب اولاجاق؟ (۳۹) تا وقتیکه بیزیم امریعیز
 یئتیشدی و تنور فوران ائتدی. (تنورین داشماقی طوفانین علامتی
 ایدی) نوح پیغمبره امر ائتدی که گمیده هر جفت حیوانلاردان ایکسین
 گوئور و ئوز اهل بیت وی سوار ائتگین اوکسدن سوای که قبله عذاب
 اونا مقرر اولوب و او کسلری گوئور که ایمان گتیریبلر و اونولا ایمان
 گتیرمه میشدیلر، مگر چوخ آز عدده. (۴۰) نوح دئدی: سوار اولون
 گمییه تا اللهین آدیلره روان اولسون و ساحله سلامت یئتیش سین.
 البته پروردگاریم باغیشلیان و رحمت صاحبیدیر. (۴۱) او (بیوک)
 گمی طوفانین دالغالاریندا داغلار کیمی حرکت ائدی، نوح پیغمبر
 شفقت ایلده کنار اولموش اوغلون سسله یب، دئدی: او غلوم گل بیز یله
 گمییه مین گین و کافر لره قوشولما گین. (۴۲) نوحون اوغلی دئدی:
 تزلیک یله ئوزومی داغا یئتیره رم، داغ منی سودان ساخلار، نوح
 دئدی: بوگون هیچ کسی اللهین امریندن (غضبیندن) ساخلیان یوخدور
 مگر او کسی که الله اونا رحم ائده، دالغا اونلارین آراسینا آیریلیق
 سالدی و نوحون اوغلی غرق اولانلاردان ایدی. (۴۳) و خطاب اولدی
 ای یئر: سوی اود، ای گوی: یاغیشی کس گین، سو چکیلیب و اللهین
 امری انجام تاپدی و (نوحون گمیسی) جودی داغیندا دایانندی و
 دئییلدی که اللهین رحمتیندن ظالم جماعت اوزاق اولسون. (۴۴)
 نوح پروردگارین چاغیریب دئدی: بار پروردگارا، منیم او غلوم منیم
 اهل بیتیمدن دیر و سنون وعدن یقینا "حق دیر و سن حکم ائدنلرین
 باخشی حکم ائده نیسن، (منیم او غلوما نجات وئر گین). (۴۵).

الله بویوردی. یا نوح او سنون اهلیندن دئیل. او غیر صالح ایش صاحبیدیر، پس او زادی باره سینده که سنون اونا علم و آگاهین یو خودور، مندن سئوال ائتمه گین و سنه نصیحت ائدیرم که بو بارمده بی خبرلردن اولگین. (۴۶) نوح دئدی: پروردگارا، من سنه پناه گیریرم او زاددان که منیم اونا علمیم یو خودور، سندن سئوال ائدم. سن اگر منی باغیشلامیاسان و منه رحم ائتمیه سن، مسلماً من زیانکارلاردان اولارام. (۴۷) خطاب اولدی یا نوح: بیزیم طرفیمیزدن اولان سلامت لیک ایلده گمیدن دوش اشاگی و برکتلر اولسون سنه و سنیله اولانلاردان وجوده گلن امت لره و او امت لری که بیز اولارلا نعمت و ثریب (ولی اولنار کفران نعمت ائدرلر) بیزیم درد آرتیران عذابیمیزا اولنلار ایتیشه چک. (۴۸) (یا پیغمبر) بونلار غیب خبرلریندیر که سنه وحی ائدیریک، بوندان قابق، سن و سنون قومین بونلاری بیلمیردی لر، پس سن صبر ائت و دو زگین، حقیقتده آخر و عاقبت خیر، اللهدان قورخانلار اوچوندور. (۴۹) و عاد قومین هدایتی اوچور. اولنلارین قارداشی هود پیغمبری گو ندر دیک، هود دئدی: ای جماعت الله اعبادت ائدین که اوندان سوای غیرسی یو خودور، سیزین سو زلریز، یالاندان سوای بیرزاد دئیل لر. (۵۰) ای جماعت: من سیزدن آجر رسالت ایستیم، منیم آجریم اللهدان سوای که منی یو خودان وجوده گتیریب دئیل، پس نییه عاقلانه فکرائتمیر سیز؟ (۵۱) ای جماعت: پروردگار یزدان باغیشلانماق ایستیون سونرا توبه ائدیب اونا ساری قئیدین، الله گویدن سیزه دالبادال یاغیش گو ندر و سیزه قدرتی - قدرت اوستوندن آرتیرار، هیچوقت گناهکار اولان حالدا اوندان اوزد و ندرم دین. (۵۲) دئدی لر: یا هود سن بیزه آیدین دلیل (و معجزه) گتیرمه دین و بیز هیچوقت سنون سو زلریله ئوز معبودلاریمیزی ترک ائتمریک و بیز سنه ایمان گتیرنلردن دئیلیک. (۵۳)

یشتیریب ، هود دئدی : من اللهی شاهد توتورام و سیزده شاهد اولون
 کهمن اوزادلاردان بکلی اوزاغام که سیز شریک قرار وئیرسیز . (۵۴)
 اللهدان غیریسینی ، پس سیز هامیز منده مکر و حيله ائدین ، سونرا
 منده فرصت و مهلت وئرمهین . (۵۵) من توکل ائتدیم اوالله که منیم
 و سیزین پروردگاریمیزدیر (یئر اوزونده) هیچ حرکت ائدن مخلوق
 یو خودور مگر الله اونون آلفیندان توتاندیر (کنایه دیر تنبیه و عذاب
 ائتمک اوچون) حقیقته منیم پروردگاریم عدالتین دوز یولوندادیر .
 (۵۶) اگر سیز حقندن اوز دوء ندره سیز (مهم دلیل) پس من ، اللهین
 احکامین که اوندان اوتری سیزه ساری گوئ ندریلمیشم ، سیزه ابلاغ ائتدیم ،
 البته پروردگاریم سیزی هلاک ائندن سونرا آیری قومی سیزین یئریزه
 گئیرر و سیز اللهها هیچ بیر شیئی ضرر یئتیره بیلمزسیز ، حقیقته
 منیم پروردگاریم هر زادی حفظ ائندیر . (۵۷) زمانیکه بیزیم امریمیز
 (هود قومنین هلاکینه) گلدی ، هود پیغمبری و اونا ایمان گئیرنلری
 ئوز رحمتیمیزله نجات وئردیک و اونلاری (قیامتین) برک و چتین
 عذابیندان قورتاردیق . (۵۸) و بو عاد قبیله سی ایدی که پروردگارین
 آیت لرینی داندیلار و پیغمبرلره عصیان ائتدیلر و هر زور دئییه نین
 و تکبر ائدمنین امریندن اطاعت ائتدیلر . (۵۹) و بو دنیانین و قیامت
 گونونون لعنتینه گرفتار اولدولار ، بیلین که قوم عاد پروردگار ه کفر
 ائتدیلر و آگاه اولون که قبیله عاد هود پیغمبرین قومی اللهین
 رحمتیندن اوزاق دوشدولر . (۶۰) و ثمود قومین هدایتی اوچون
 اونلارین قارداسی صالح پیغمبری گوئ ندردیک ، صالح دئدی : ای
 جماعت ، اللهها عبادت ائدین که اوندان سوای غیرسی یو خودور ،
 اواللهی که سیزی تورپاق دان وجوده گئیردی و سیزی یئر اوزون ،
 آباد ائدن قرار وئردی ، اوندان باغیشلانماق ایستیون و اونون درگاهینا
 پناه آپارین و گناهلاریزدان توبه ائدین البته منیم پروردگاریم هامییا
 یاخین و خلقین دعاسین قبول ائندیر . (۶۱) دئدیلر : یا صالح
 سن بو سوء زلردن قباق بیزیم آرامیزدا مایه امیدیدین ، ایندی که
 بیزی آتا ، بابا دینیندن نهی ائدیرسن ، بیز سنون دعوتیوه شک
 تاپیریق و سندن ناامید اولوروق . (۶۲) .

صالح دئدی، ای جماعت! کو رورسیر که ملیم پروردگاریم طرفیندن آیدین دلیل و معجزه واریمدیر و او منی ئوز رحمتیندن نبوتمانتخاب ائدی، اگر من الله اعصیان ائدم، کیم منی اللهین غضبیندن ساخلیا جاق؟ وسیزمده گناهدان سوای بیر زاد آرتیرماسیز. (۶۳) و - ای جماعت! بو دوه، اللهین آیتی و قدرت نشانه سی سیزین اوچوندور، قویون او، اللهین ملکینده اوتلا سین و اونا صدمه یئتیرمه یین (اگر صدمه یئتیرسز) اوندان تزلیلیله عذابا گرفتار اولارسیز. (۶۴) صالحین قومی دؤمنی پیله دیلر، صالح دئدی: سیز (بو عملدن سونرا) فقط اوج گون ائولریزده دیری قالا جاق سیز، بو بیر وعده دیر که اوندایان یوخدور. (۶۵) وقتیکه بیزیم عذاب فرمانیمیز صادر اولدی، صالحی و اونا ایمان کتیرنلری ئوز رحمتیمیزدن اوگونون رسوالیغیندان نجات وئردیک، مسلما "سنون پروردگارین قدرتلی و باشارا جاق لیدیر. (۶۶) وظلم ائدن اشخاصی گئجه چاغی گوی صیحه سی (سدتلی سن) گرفتار ائتدی و صبح ائتدی لر ئوز ائولرینده احوالدا که اوزی قورلی دوشوب همیشه لیک سوء نموشدیلر. (۶۷) دئییه سن که اوردا اصلا "یوؤ خوموشلار، بیلین که ئمود طایفه سی پروردگاره کفر ائتدی لر و آگاه اولون که اونلار اللهین رحمتیندن اوزاق اولدولار. (۶۸) و بیزیم مامورلاریمیز ابراهیم پیغمبره (اولاد) بشارتی وئرمک اوچون گلدیلر، دئدی لر: سلام اولسون سنه، ابراهیم پیغمبر جواب سلامی وئردی و او قدر وقت کئچمه دی که اونلارا بیزو ایتیندن کباب پیشیریپ گتیردی. (۶۹) انیلده که ابراهیم گوؤردی اونلار غذا یا ال وورما دیلار، ئوز یانیندا اونلاردان قورخوب چکیلدی، اونلار دئدی لر: یا ابراهیم قورخما گین، بیز لوط قومین هلاکینه گوؤ ندریلیمشیک. (۷۰) و ابراهیم پیغمبرین عیالی (سارا پرده دالیندا) آیاق اوسته دورموشدی، اونی (بو خبردن) گولمک توتدی - بیز اسحاقی و اوندان سونرا (نوه سین) یعقوبی اونا بشارت وئردیک. (۷۱).

دئدی: وای اولسون منه، آیا امکانی وارمنه که (۹۸ یاشیندا) قاری آروادام و اَریم (۱۲۰ یاشیندا) قوجا کیشیدیر اولاد اولاسا؟ بو تعجیبلر بیر شیئدیر (۷۲) ملکالر دئدیله: آیا اللهین ایشلریندن تعجب ائدیرسن که اللهین رحمتی و برکاتی سیز اهل بیت نبوته مخصوص در؟ حقیقتده الله یا خشی صفتلر صاحبی و لایق هر نوع تمجید دیر. (۷۳) ائيله که ابراهیم قورخودان چیخدی و اولاد بشارتی اونا یئتیشدی، لوط قومنین باره سینده بیزیم مامورلاریمیز ایلله لفظی جدالی باشلادی. (۷۴) البته ابراهیم پیغمبر چوخ مهربان و چوخ دعائندن و الله طرفینه رجوع ائدن ایدی. (۷۵) (خطاب اولوندی) یا ابراهیم بو سوء زلردن کئچ که سنون پروردگار یوین عذاب فرمانی او قومین هلاکیده صادرا ولوب و اونلار احوتمی عذاب که رد اولان دئیل گلهجک. (۷۶) و قتیکه بیزیم مامورلاریمیز لوط پیغمبرین یانینا گلدیلر، لوط ناراحت اولوب واورهگی دار یخدی و دئدی: بوگون مصیبتلی گوندور (۷۷) لوط دئدی: ای جماعت بیر بئله قیزلار وار، اونلار سیزین اوچون پاک و حلال دیر، الله دان قورخون و منی قوناقلاریم یانیندا خجل ائتمهین. آیا سیزین ایچیزده بیر الله آدمی و عقل صاحبی یوخدور؟ (۷۸) لوط قومی دئدیله: سن بیلیرسن که بیزیم سنون قیزلاریندا نظریمیز یوخدور و حتما " بیلیرسن که بیز نمایستیریک. (۷۹) لوط دئدی: ایکاش (سیزی دفع ائتمگه) قدر تیم اولایدی یا (سیزین الیزدن) بیر محکم یئره پناه آپاراردیم. (۸۰) ملکالر دئدیله: یا لوط بیز سنون پروردگارین طرفیندن مامور گلمیشیک، اونلار سنه ال تاپا بیلمزله، سن گئجه چاغی ائيله که هیچکس متوجه اولماسین ئوز اهل بیت وی آروادیندان سوای که قومه یئتیشن مصیبت اونادا یئتیشمک، گوئور و بو دیاردان چیخ گئت، عذابین وقتی صبح آچیلاندا دیر، آیا صبح یاخین دئیل؟ (۸۱).

وقتی که بیزیم عذاب فرمانیمیز یئتیشدی ، اونلاری آلتاوست
ائتدی و اونلارین هلاکینه دالال گوئیدن یانار داش یاغدیددیک .
(۸۲) او داشلاری که پروردگاریوین یانیندا ، اونلارین هلاکینه
آدلانمیشدی . البتہ عذاب و هلاکت ظالم جماعتدن اوزاق اولمیا جاق .
(۸۳) و مدین اهلینه اونلارین قارداشی شعیب پیغمبری گوئندر دیک ،
شعیب دئدی : ای جماعت اللہا عبادت ائدین که اوندان سوای غیر یسی
یوخدور ، هیچوقت ئولچودن و ترازودان کسمهین ، من سیزی واقعا
وفور نعمتده و خیرده گوئورم و من قورخورام سیزه و گونون عذابیندن
که بونون کافرلری احاطه ائدندیر . (۸۴) و - ای جماعت ، ئولچوده
و ترازودا عدل و عدالتی رعایت ائدین و خلقین شیئرین اسگیک
و ثرمهین (وباها ساتماين) و سعی ائتمهین که یئر اوزونده فساد ائدنلردن
اولا سیز . (۸۵) او قدر که الله ، سیزین اوچون (آل وئرده) باقی قویوب ،
سیزین خیر و صلاحزه دیر (اوندان بیر یایوزدما وئن) اگر سیز ایمان
کنیر یسیز و من سیزی (اللهین عذابیندن) ساخلیان دئیلیم . (۸۶)
دئدیلر : یا شعیب ، آیا سنون نمازین سنه امر ائدیر که بیزی مجبور
ائده سن او بتلری که آتا ، بابالاریمیز عبادت ائدیردی ، ترک ائدک ؟
یا ئوز مال و اموالیمیزدا ایسته دیگیمیز جه عمل ائدیریک ، منع ائده سن ؟
(آفرین) سن چوخ مهربان و عقیل لی آدم سن ، (۸۷) شعیب دئدی :
ای جماعت ، آیا توجه ائدیر سیز که منیم پروردگاریم طرفیندن آشکار
دلیلیم وار و او منده یا خشی و گوئل روزی یئتیریب (ئوزومه گوئر
واریمدی) البته او شیئدن که سیزی منع ائدیرم ، نظریم سیزله
مخالفت و دشمن لیک دئیل ، فقط منظوروم سیزین ایشلریزی تا
قدر تیمده وار ، اصلاح ائتمکدیر و منیم توفیقیم تکجه اللہایله دیر
من اونا توکل ائتمیشم و اونون درگاهینا پناه آپاریرام . (۸۸) .

و - ای جماعت ، سیزین مخالفت لیکیز منیلده (مواطب اولون) سیزه بلا و عذاب یئتیرمه سین ، نئجه که نوح قومنا یا هود قومنا یا صالح قومنا یئتیردی و لوط قومون زمانی سیزدن چوخ اوزاق دئیل (عبرت آلین) (۸۹) و پروردگار یزدان باغیشلانماق ایستین و توبه ائدیب اونا ساری قئییدین ، مسلما " پروردگار رحم ائدن و (توبه ائدنلری) دوست توتان دیر . (۹۰) دئدیله: یا شعیب ؛ بیز سنون سو زلریوین چوخونی قانا بیلیمیریک و سنی ئوز ایچیمیزده چوخ ضعیف گوئوروک و اگر سنون طایفهوین احترامی اولماسایدی ، مسلما " سنی سنگسار ائدردیک . و سن بیزیم اوچون چوخ عزیز و گرامی دئیل سن . (۹۱) شعیب دئدی : ای جماعت ؛ آیامنیم طایفهمین عزت و احترامی ، سیزین یانیزدا ، اللهین احترامیندان چوخ دور ؟ و اللهی بکلی اونود و بسوز ؟ البته منیم پروردگاریمین ، سیزین بوتون عمل لریزه ، احاطه سی وار و آگاه دیر . (۹۲) و - ای جماعت ؛ هر نه سیزین امکانیزدا وارسا ، عمل ائدین منده (ئوز تکلیفیمه) عمل ائدنم ، بو تنزلیکده بیله جکسیر که ذلت و رسوالیق عذابی کیمه یئتیشه جک ویا لانچی کیملر دیلر پس سیز منتظر اولون و منده سیز یله منتظرم . (۹۳) و قتیکه بیزیم عذاب فرمانیمیز صادر اولدی . شعیبی و اونا ایمان گتیرنلری ئوز رحمتیمیزدن نجات وئردیک و ظلم ائدن اشخاصی گنجه چاغی گوی صیحه سی (شدتلی سس) گرفتار ائتدی و صبح ائتدیلهر ئوز ائولرینده او حالدا که اوزی قورلی دوشوب و همیشه لیک سوئ نمودولر ، (۹۴) (ائیلده هلاک اولدولار که) دئییه سن أبدا " او شهرده یوئ خوموشلار ، بیلین و آگاه اولون که مدین اهلی ، اللهین رحمتیندن اوزاق اولدولار نئجه که شمود قومی اوزاق اولموشدولار . (۹۵) و بیز موسی پیغمبری ئوز آیاتیمیزله و آشکار معجزه لریله گوئندر دیک . (۹۶) فرعونده طرف و اونون قومون بئوکلرینده طرف ، خلق فرعونون امریندن اطاعت ائتدیلهر و فرعونون امری (خلقی دوزیولا) ارشاد ائدن دئیلدی . (۹۷) .

قیامتد فرعون ، ئوز تابع لری نین قباغیناد و شوب ، جهنم اوتونا ساری گئدر که داخل اولانلار اوچون چوخ پیس منزلگاهدیر . (۹۸)
فرعون و تابع لری بو دنیا ده ، پیس لعنت ئوز لری اوچون قازاندیلار و پیس ذخیره قیامت گونی اوچون گوئ ندر دیلر . (۹۹) (یاییممبر) بونلار شهرلرین بعضی خبرلریندندیر که سده نقل ائله دیک ، او شهرلردن بعضی سی قالیر و بعضی لری آرادان گئدیبلر . (۱۰۰) بیز اولنلار اظلم ائتمه دیک ، بلکه اولنلار ئوز لرینده ظلم روا قیلدیلار ، الله دان سوای چاغیرد یقلاری بت لرا و نلار اهیچ فایده و ثرمه دی ، وقتیکه پرورد گاریوین عذاب فرمانی یئتیشدی ، حسرتدن سوای اولنلار ابیرزاد آرتیرمادی . (۱۰۱)
بئله دیر سنون پرورد گاریوین توتماقی وقتیکه بیر شهرین اهلینی که ظلم ائدندیلر ، گرفتار ائده . البته پرورد گاریوین توتماقی چوخ درد آرنیران و شدت لیدیر . (۱۰۲) مسلما " بوندا (کافر لرین هلاک اولماغیندا) نشانلر و عبرت لر وار ، او شخص اوچون که آخرت عذابیندا قورخا ، اوگون تمام خلقلین جمع اولان گونیدیر و بیر گوندور که هرکس ئوز عملی نین جزاسین گوئرر . (۱۰۳) و بیز قیامت گونونی تاخیره سالماق مگر ئوز تعیین اولموش وقتینده (واقع اولار) (۱۰۴)
اوگون واقع اولاندا هیچ کس دانیشماغا قادر اولماز ، مگر اللهین اذنبله . محشره گلنلر ایکی قسم دیلر ، بیر عده ظالم و گناهکار و بیر عده اهل سعادت . (۱۰۵) و اما او کسلر که ظالم و اهل شقاوت دیلر ، هامی سین یانار اوتا آتاجاقلار ، او حالدا که قیشقیریب و ناله ائیلرلر . (۱۰۶)
اونلار همیشه لیک او اوتدا قالاندیلار ، نه قدر که گوئلر و یثر برقرار دیر ، مگر سنون پرورد گارین ایستیه (که اولنلار نجات وئره) البته پرورد گارین هر نه ایسته سه عمل ائدر . (۱۰۷) و اما او کسلر که اهل سعادت دیلر ، همیشه لیک بهشتده اولاجاقلار ، نه قدر که گوئلر و یثر برقرار دیر ، مگر سنون پرورد گارین ایستیه (اونلارین حقینده آرتیق نعمت یاغیشلیا) که اللهین عطالری قطع اولان و محدود دئیل . (۱۰۸)

پس سن شک و شبهه سیز، بیلگینن که اوزادلارا که بومشرکر عبادت ائدی لر، همانلار دیلار که بوندان قباچا آتا و بابالاری اونلارا عبادت ائدی ر دیلر، و البته بیز اونلارین عذاب سهم لرین کامل و بی نقص و ثمره جمییک، (۱۰۹) و بیز موسی یه تورات کتابین گوئ ندر دیک ولی خلق اوندا (او کتابین احکامیندا) اختلاف ائدی لر و اگر سنون پرورد گاریوین طرفیندن اولان حکم، سایقده صادر اولمیایدی، مسلما "اونلارین آراسیندا قضاوت و حکم صادر اولوناردی ولی خلق (اللهین وعده لریندن و پیغمبرلرین رسالتیندن) همیشه شک و تردید ه دیلر، (۱۱۰) و البته سنون پرورد گارین تمام مخلوقی ئوز عمل لرینین جزاسینا یئتی ره جک، مسلما " او، خلقین بوتون عمل لرینده کاملاً آگاه دیر، (۱۱۱) استقامت ائتگینن، نئجه که سده امر اولونور و سنون تابع لرینده استقامت ائتسینلر و هیچوقت حقدن تجاوز ائتمه سینلر که الله سیزین بوتون اعمالیزی گوئ رور، (۱۱۲) و سیز مؤمنلر هیچوقت ظلم ائدن آدم لر یله، دوست اولما یین چونکه سیزده اونلارین اوتونا یانار سیز و الله دان سوای سیزین اوچون دوست یو خدور و سونرا سیزه کمک لیک اولونماز، (۱۱۳) و نمازی گونون (اول و آخر) طرفینده و گئجه نین قارانلیق چاغیندا قیلگینن البته یا خشیلیقلار، پیس لیک لری آرادان آپارار (و اونلاری محوائدر) بو سوئ ز اهل ذکر اوچون بیر تذکر دیر، (۱۱۴) و صبر و استقامت ائتگینن، مسلما " الله یا خشی عمل صاحب لرین اجرینی هیچوقت ضایع ائتمز، (۱۱۵) پس نه اوچون سیزدن قباچ امت لرین آراسیندا عقل و ایمان صاحب لری اولمادی که خلقی یئر اوزونده فساد دان و پیس ایشلردن نهی ائده؟ مگر اونلاردان بیر آز عده که اونلارا نجات و ثردیک و او کس لری که ظالم ایدیلر، دنیا یا شایشینین دالیجا گئتدی لر و اونلار مجرم و گناه کار ایدیلر، (۱۱۶) و سنون پرورد گارین هیچ شهر و دیارین اهالی سین که صالح انسانلار اولالار، ظلم ایله هلاک ائتمز، (۱۱۷).

و اگر سنون پروردگارین ایسته سئیدی ، بوئون مخلوقاتی بیر امت (وبیر دینده) قرار وئوردی (اما اوندا یاخشی و پیس معلوم اولمازایدی) ولی اونلاردائم بیربیریلده اختلافدا اولاجاقلار . (۱۱۸) مگر او کسی که سنون پروردگارین اونا رحم ائده وبوندان اوتری خلق اولونوبلار و سنون پروردگاریوین سوئلری بو کلمه ایلده خاتمه تاپیر که جهنمی تمام جن و انسین کافرلریله دلدورا . (۱۱۹) و بیزکلا " کئچن پیغمبرلرین اخبارین سنه نقل ائدیریک که سنون اوره گیوی اونلارایله تثبیت وقوت لندیرک و بوشرح حالداحق یولی سنه آیدین اولو و اهل ایمان اوچون نصیحت و تذکر دیر . (۱۲۰) (یا پیغمبر) او کسلره که ایمان گتیرمه یلر دئگینن ؛ هر نه (معصیت) امکانیزدا وارسا ، عمل ائدین ، مسلما " بیزده (ئوز تکلیفیمیزه) عمل ائدمنیک . (۱۲۱) و سیز منتظر اولون ، بیزده منتظریک . (۱۲۲) و گوئلرین و یئرین غیبی الله اآشکار دیر و تمام ایشلر ، الله اراجع دیر ، پس اونا عبادت ائت و اونا توکل ائده و سنون پروردگارین بنده لرین اعمالیندن غافل دئیل . (۱۲۳) .

۱۱۱ - آیه

۱۷۶۶ - کلمه

۱۲ - یوسف سوره سی

۱۲ - بعثت ئیلی

باغیشلیان رحم ائدن تانری آدینا

الر (قرآنین رموزیندن و اسراریندن دیر) بونلار آشکار اولان کتابین آیه لریدیر . (۱) حقیقتده بیز بو قرآنی عربی لغتینده گوئلردیک ، اولو که سیز (اونون باره سینده) عاقلانه ذکر ائده سیز . (۲) بیز بو قرآندا وحی ایلده گوئل قصه لری سنه نقل ائدیریک که سن بوندان قباق اونلاردان آگاه دئیلدین . (۳) زمانیکه یوسف آتاسینا دئدی : آنا من یو خودا گوئلردوم که اون بیر اولدوز و گون و آی منیم مقابلیمده سجده (تعظیم) ائدیرلر . (۴) .

يعقوب (پيغمبر) دئدى. اى منيم او علوم. يوخووى قارداشلار يوانقل
 انتمه گينن، سنه مكر و حسد ائدرلر، مسلما " شيطان انسان اوچون
 آسكارا دشمن دير. (۵) سنون يوخوون تعبيري بودور كه پروردگار ين
 سنى نبوته انتخاب ائدر و سنه يوخولارين تعبيري و تا و يلين تعليم
 وئر و نعمتين سنون و آل يعقوبون حقينده كماله يئتيرر، نئجه كه
 بوندان قباق بابالارين ابراهيم و اسحاقين حقينده، كماله يئتيردى،
 البته سنون پروردگار ين بيلن و حكمتليدير. (۶) حقيقتده يوسفين و
 اونون قارداشلارين حكايتينده اهل تحقيق و طلبه لر اوچون نشانه لر
 و عبرت لر و حكمت لر واردير. (۷) اوندا كه يوسفين قارداشلاري دئديلر:
 بيزيم آتاميز يوسفى و اونون (دوغما) قارداش ين بوندان بئله كه بيز
 نئچه نفر (بيوك قارداش) ايک، بيزيم هاميميزدان آرتيق ايستير،
 مسلما " آتاميز آسكارا اشتباه ائدير. (۸) يوسفى ئولدورون؛ يا اونى
 اوزاق يئرلره طرد ائدين؛ تا آتازين اوزى سيزه طرف متوجه ولسون،
 سونرا (توبه ائديب و) صالح آدم لر دن اولسون. (۹) يوسفين
 قارداشلاريندان بيريسى دئدى: سيز يوسفى ئولدورمه ين، اونى
 كاروان يولى اوسته قويي ايچينه آتين (كه كاروان اهلى اونى چيخاردىب
 آپارسين) اگر سيز عمل ائدن سيز. (۱۰) دئديلر: آتانه اولوب دور
 كه سن يوسف باره سينده بيزه آرخايين دئيل سن؟ بير صورتده كه بيز
 اونون خير و صلاحين ايستيه نيک. (۱۱) صباح سحر اونى بيزيله چوئه
 گوه ندر تا چمن لر اوسته اوينا سين، بيز اونندان مواظب اوئلاريق.
 (۱۲) يعقوب دئدى: من اونسوز دارىخارام اگر سيز اونى آپاراسيز،
 هميده قورخورام كه قورداونى توتوب يئيه و سيز اونندان غافل اولاسيز.
 (۱۳) دئديلر: اگر قورداونى توتوب يئيه، بير صورتده كه بيز نئچه
 نفر اونون يانيندا واريق، اوندا واقعا " گرک بيز چوخ ضعيف و
 زيانكارلاردان اوئلان. (۱۴).

وقتیکه یوسفی نوزدریله چوله آپاردیلار، یعیس دیلارنا اونی قویوآ آتسینلار (یوسفی طناب ایله قویوآ سالدیلار) بیز اونا وحی ائتدی (قورخما و غمگین اولما گین) البته بیر گون سن قاردا سلا ریوی بو پیس عمل لریندن آگاه آنده جکسن، اونلار سنون مقامیوی درک اتمیرلر. (۱۵) و آخشام چاغی قارداشلار آغلار حالدا آتالاری یانینا گلدیلر. (۱۶) دئدیله: ای آتا دوزی بودور که بیز چوله ده یوسفی نوزو سائلی میزین یانیندا قویوب و بیر بیر یله (قاچما قدا) باغلا شیردیق. اونی قوردتوتوب یتمیشدی، سن بیزیم سوء زومیزه اینانان دئیل سن، نه قدر بیز دوز دانیشان اولاق. (۱۷) و یوسفین یالاندان فانلی کوئینگین گتیردیله، یعقوب دئدی: (بو سوء زلرین اصلی یو خدور) بلکه سیزین نفسیز بو امری سیزه جلوه وئریب، من بو مصیبت ده گوئل بلکه صبر آندهرم واللهدان کهکلیک ایستیرم بو سوء زلری که سیز توصیف آندیر سیز. (۱۸) بیرکاروان اورا گلدی، و سو مسئولین گوئل دردیله، او، سطلین قویوآ ساللادی (بیردن گوئلردی قویودان بیرا وغلان چیخدی) دئدی: مژده وئرین بو بیرا وغلان دیر، اونی ساتماق اوچون گیزلین ساخلادیلار واللہ خلقین ائتدیگی عمل لره عالم دیر. (۱۹) و یوسفی آز قیمته نچه عدد آغ پولا ساتدیله و او آز مبلغه قانع اولدولار. (۲۰) و یوسفی مصرده ساتین آلان کیشی (عزیز مصر نوز آروادی زلیخایا) دئدی: ارونون مقامین محترم ساخلا؛ امید وار که بیزه نفع یئتیره یا اونی نوزو میزه اوغول آندهک، بئله جیکده بیز یوسعه یئر اوزونده امکانات و قدرت وئردیک تا اونا یوخی تعبیری و احادیث نا ویلی تعلیم وئرهک و الله تعالی نوزا یشینده مسلط و غالب دیر ولی خلقین چوخی بر حقیقتی بیل میرلر. (۲۱) وقتیکه یوسف رشد حدینه یئنیشدی، اونا حاکم لیک و علم مقامی عطا ائتدی که هابئله بیز یا خشی عمل صاحب لرینه جزای خیر و نره ریک. (۲۲).

او آرواد که یوسف اونون انویسده ایدی، یوسفه اظهار تمایل ائندی و قاپیلاری باغلایب، یوسفه دئدی: "من سنون اختیاریندایام، یوسف دئدی: "پناه آ پاریرام الله" (بو قبیح ایشدن) پروردگاریم منه گوئل مرتبه و یاخش مقام باغیشلایب، مسلما "الله ظلم ائدنلره (و خیانتکارلارا) نجات وئرمز. (۲۳) او آرواد یوسفه قصد ائندی و یوسف اونا قصد ائردی اگر پروردگارین دلیل و برهانین گوئلر مه سئیدی. بئله جیکد مبرز اونی پیس عمل دن و فحشادن منصرف ائدیک، مسلما "اوبیزیم مخلص بندلریمیز دندیر. (۲۴) اونلار احوالدا قاپی فباغینا یئتیشدیلر (زلیخا آل آتدی یوسفین کوئلینگینه) یوسفین کوئلینگ دال طرفدن پارما ولدی و قاپی قباغیندا (زلیخانین) آرینه راست گلدیار، آرواد آرینه دئدی: "آیا او کسین جزاسی که سنون ناموسوندا پیس نظری اولان زندان یا شکنجه دئیل؟ (۲۵) یوسف دئدی: "بو آرواد ئوزوندن اوتری منه قصد مراوده ائندی (ومن اونون الیندن قاچیردیم) سو اهلیندن بیر نفر شاهد، شهادت وئردی که اگر یوسفین کوئلینگ قابق طرفدن پاره اولسا، آرواد دوغری دئییر و یوسف یالان دئییر (۲۶) و اگر یوسفین کوئلینگ دال طرفدن پاره اولسا، آرواد یالانچیدیر و یوسف دوز دئییر. (۲۷) وقتیکه آروادین آری گوئلردی که یوسفین کوئلینگ دال طرفدن پاره اولوب، دئدی: "مسلما" بونلار سیز آروادلارین مکریندندیر و آروادلارین مکر و حیله سی چوخ بیوک و یامان اولار. (۲۸) یوسف، سن بو موضوع دان صرف نظر انت؟ و آرواد سنده ئوز گناهیندان توبه ائتگین؟ مسلما "سن خطا ائدنلردنسن. (۲۹) شهیده آروادلار دئدیلر: "عزیز مصرین آروادی ئوز غلامی ایله عشق بازلیق ائدیرو اونی ئوز طرفینه چاغیریر و غلامین محبتی اونون اوره گینده برک یئر ائدی، بیز اونی کاملا "ضالانده گوئلر وروک. (۳۰)

وقتیکه زلیخا آروادلارین شمانتین ائشیتدی، آدم گوئندریب
اونلاری دعوت ائتدی و اونلار اوچون مجلس ترتیب وئردی و متکالر
آما داندی و هره سنین آینه بر میوه پیچاگی وئریب، یوسف دئدی:
گل ایچری، وقتی آروادلار یوسفی گوئدیلر، اونون گوئلینگنه
میهوت قالیب دئدیلر: اللہ اکبر او حالدا اللہین کسیدیلر و دئدیلر:
حاشا لله، بو گوئلیکده بشر اولماز، بو بیر گوئل و عزیز ملک دیر.
(۳۱) زلیخا دئدی: بو همان اوغلان دیر که سیز منی اونا خاطر شماتت
اندیرسیز، بلی من اوندان خواهش ائتدیم ولی او، ئوزون ساخلادی
و اگر منیم سوؤزومه عمل ائتمیه، مسلما " زندانا گندم جک و ذلیل
اولاجاق. (۳۲) یوسف دئدی: پروردگارا، زندان منه بو آروادلارین
ایستمدیگلیریندن یاخشیدیر، اگر سن اونلارین شرین منیم باشیمدان
سوؤ و ماسان، امکانی وار که من اونلارا تمایل تاپیب و اهل جهالت
و سقاوت اولام. (۳۳) پروردگاری اونون دعاسین مستجاب ائتدی و
آروادلارین حیله سین اوندان سوؤ و وشدوردی. البته اللہ ائشیدن و
بیلندر. (۳۴) سونرا بوندان بئله که یوسفین دوزلوک دلیلی گوردولر،
بئله صلاح بیلدیلر که نتیجه مدت اونی زندانا سالالار. (۳۵) و ایکی
نفر جوان یوسف ایله زندانا داخل اولدولار، اونلاردان بیریدئدی:
من (گئجه) یوخودا گوئردوم که: اوزوم سوی توتورام (چاخیر سیخیرام)
و او بیر یسی دئدی: من یوخودا گوئردوم که: باشیم اوسده چوره ک
دولاندیریرام و قوشلارا وندان یه بیرلر، یوسف، سن بیزی یویوخولارین
تعبیریندن آگاه ائنگین، البته بیز سنی یاخشی عمل صاحبی و عاقل
آدم گوئروروک. (۳۶) یوسف اونلارا دئدی: که غذازی گتیرمه میشدن
قباق سیزی یوخولارین تعبیریندن آگاه ائدمرم البته بو علمی منه
منیم پروردگاریم تعلیم ائدیبدی چونکه من او جماعتین مذهبین که
اللہ ایمان گتیرمه ییلر و آخرته اینانما ییلر، ترک ائتمیشم. (۳۷).

من، آتا و بابالاریم ابراهیم و اسحاق و یعقوبون دینیندن تبعیت
اندیرم . بیز مجاز دئیلیک که بیرزادی اللها شریک قرار وئرک ، بو
موهبت اللهین نضل و رحمتیندن دیر بیزه و بوتون مخلوقا ولی خلقین
چوخی شکر ائدن دئیل لر ، (۳۸) ای منیم دوستاق یولداشلاریم ، آیا
جور بجور ارباب یاخشیدیر یا تکبیر قدرتلی قاهر الله ؟ (۳۹) اوزادی
که سیز اللهدان سوای عبادت اندیر سیز ، بیر تعداد آدلار دیلار که
سیز و سیزین آتا بابالاریز اونلارا قویوبدولار و الله اونلارین اثباتنا
هیچ دلیل و برهان گوئندرمه یب ، حکم و فرمان نکجه اللهین کیدیر
که امر اندیب اوندان سوای هیچ زادا و هیچ کسه عبادت ائتمه یین ،
بودور محکم دین ولی خلقین چوخی بو حقیقتدن آگاه دئیل لر و
بیله ییر لر . (۴۰) و اما ای منیم محبوس دوستلاریم (سیزین یوخوزور
تعبیری بودور) سیزین بیریز (محبوسدن آزاد اولوب و قباقلی کیمین)
اربابینا مشروب وئره جک ولی اوبیریسی دار آغاجینا چکیلیب و
فوشلار اونون مغزیندن یئیه جکلر ، او امره راجع که سوء روشوردور ،
اللهین قضاسی بئله حکم اولونوب . (۴۱) یوسف او کسه که گمار
اندیردی آزاد اولاجاق دئدی : اربابین یانیندا مندن وساطت ائتگین
و شیطان ، اللهین ذکرین اونون یادیندان چیخارتدی و بونا گوئره
نچه نیل رنداند اقالدی . (۴۲) مصرین پادشاهی دئدی : من یوخودا
گوئردوم که یئددی کوک ئوکوزی ، یئددی آریق ئوکوز یئدی لر و یئددی
گوئی سنبل یئددی قوروموش سنبل احاطه اندیب ، ای (یوخی تعبیر
ائدن لرین) بیوک لری منی بویوخودان آگاه اندین اگر سیز واقعا " یوخی
تعبیر اندن سیز . (۴۳) .

اونلاردن دئیلر، بو یوخی پریسان یوخیدور و بیر پریسان یوخونون
 تعبیرین بیلیمیریک. (۴۴) (بو حالدا) یوسفین زندان دوستی نئچه
 ئیلدن سونرا یوسفی یادینا سالیب دئدی: من سیزی بو یوخونون
 تعبیریندن آگاهاندهرم، منی یوسفین یانینا گؤندیرین. (۴۵) (دئدی:)
 یوسف، ای منیم صدیق دوستوم، بیزی بو یوخونون تعبیریندن که
 یئددی کوک ئوکوری یئددی آریق ئوکوز یئدیله و یئددی گوی سنبیل
 و یئددی قوروموش سنبیل باره سینده آگاهانئگین تا خلقین یانینا
 قئییدیب و بو یوخونون تعبیرین و سنون مقامیوی بیل سینلر. (۴۶)
 یوسف دئدی: گرک یئددی ئیل دالبادال بوغدا اکینی اگه سیز و هر
 بیچینده بیر آرزو قستین که خلقین آرزو قهسی اوچون کفایت ائده،
 گؤنوروب، قالانین سنبیل لریله ذخیره ائده سیز. (۴۷) یئددی ئیلدن
 سونرا داها یئددی ئیل قحطی لیک اولاجاق اوندان ذخیره ائتدیگیز
 آرزو قهملری خلقین مصرفینه یئتیره سیز و بیر آرزو قستین اکین اوچون
 ساخلیا سیز. (۴۸) بو ئیل لردن سونرا بیر ئیل گلر که اوندان وفور نعمت
 اولار و میوه لری ازیب سویون ایچرلر. (۴۹) شاه دئدی: اونی منیم
 یانینا گتیرین، وقتیکه ما مور یوسفین یانینا گلدی، یوسف دئدی: قئییت
 اربابین یانینا و اوندان خبر آل، نه اولدی که آروادلار، آل لری
 کسدیلر، مسلما "الله اونلارین مکرلریندن (و منیم بی گناه لیقیمدان)
 آگاه دیر. (۵۰) شاه (آروادلاری احضار ائدی) دئدی: وقتیکه سیز
 یوسفی ئوز طرفیزه دعوت ائتدیز، یوسف سیزه نه دئدی؟ حقیقتی بیان
 ائدین، آروادلار دئدیله، حاشا لله، بیز یوسفدن هئچ پیس لیک
 گؤرمه دیک، عزیز مصرین آروادی (زلیخا) دئدی: ایندی حق آشکار
 اولدی، (اعتراف ائدیرم که) من اونی ئوز طرفیمه دعوت ائدیردیم،
 حقا که او دوغری دانیشانلار داندیر. (۵۱) دئدی: بونلاری دئمکده
 منظوروم بوایدی که عزیز مصر بیل سین که من خلوتده اونا خیانت
 ائتمه میشم و بیل سین که الله تعالی خیانت ائدنلری هدايت ائلمه ز.
 (۵۲)

من ئوزومى تېرىئا ئىتمىرم ، نىفسا مارە انسانى چوخ پىس يوللارا
 مجبور اندر ، مگر پروردگارى اونا رحم انده . البته پروردگاريم چوخ
 باغيشليان و رحم اندندير . (۵۳) شاه دئدى : يوسف منيم يانيدا
 گىرىن تامن اونی مخصوص نماينده لريمدن ائديم ، وقتيکه اونيله
 دانيشدى ، دئدى : سن بوگوندن بيزيم يانيميزدا قدر و منزلت صاحبي
 و امين سن . (۵۴) يوسف دئدى : من مالیه ايشلرينه واردم ، مني
 مملکين مالي قسمتيدە و ذخايرينه صاحب اختيار ائتگين . (۵۵)
 بئله جيکده بيز يئر اوزونده يوسف قدرت و امکانات وئردىک که
 هر يئرده ايستيه سکونت اختيار ائتسين ، بيز هرکسى ايستيهک
 ئوز رحمتيميزه مخصوص انده رىک و ياخشى عمل صاحبلرين اجريني
 ضايع ائتميرىک . (۵۶) حالبو که آخرت أجرى او کسلرا و چون کاهيمان
 گىرىبلر و اهل تقوى ديلر چوخ گوئل و ياخشيدير . (۵۷) (قحطى
 ئيلينده) يوسف قارداشلارى مصره ، يوسف يانينا گلديلر ، يوسف
 اونلارى تانيدى ولى اونلار يوسف تانيماديلار . (۵۸) وقتيکه يوسف
 اونلارين آرزو قهيوکلرين باغلالتدردى ، اونلارا دئدى : که گلن سفرده
 اوگر قارداشيزى ئوزوزله گىرىن ، گوئورسيز که من هرکسين سهمين
 تمام و کمال وئيرم و اونلاردان ياخشى پذيراليق ائديرم . (۵۹) و
 اگر او قارداشيزى گىرمه سز ، منيم يانيدا آرزو قهيوکلر يوخدى ، داها
 بورا گلمهين . (۶۰) قارداشلار دئدیلر : بيز سعي انده رىک که آتاسين
 راضى ائدک و سنون امريوى يئرینه يئتيرک . (۶۱) يوسف ئوز کارگرلريده
 دئدى : اونلارين متاع لريني يوکلرينين آراسينا قويسونلار تا وقتيکه
 ائولريده قئييتديلر ، ئوز متاع لرین گوئروب تانيسينلار ، شايد منيم
 يانيدا گنده گلسينلر . (۶۲) وقتيکه آتالارى نين يانينا گلدیلر ، دئدیلر :
 آتا (اگر بيز قارداشيميزى ئوزوموزله آپارمياق) داها بيزه سهميه
 وئرميه جگر ، پس قارداشيميزى بيزيله گوئدرگين ، ناسهميه ميزى
 کامل آلاق البته بيز اوندان كاملا " محافظت انده رىک . (۶۳) .

يعقوب دئدى: ايا اونون باره سينده سيزه آرخايين اولوم ساجده که
 بوندان قباق قارداشی باره سينده آرخايين اولدوم؟ الله ئوزی چوخ
 ياخشی حفاظت ائدن و مهربانلارين مهربان راقيدير. (۶۴) و زمانیکه
 يوکلرين آچديلار (وئردیگی) متاع لرینی اونلارين ايچينده تاپديلار
 که ئوزلرينه قئيتريبلر، دئديلر: آتا، داهابوندان آرتیق نمايستریک
 بو متاع لريله ئوزاهل و عياليميزه آرزوقه تهيه ائديب و قارداشيميزدان
 محافظت ائدهریک و بيرد و هیوکی ده سه میه میزه آرتیراریق و بوسه میه نی
 آماق چوخ آساندیر (چونکه عزیز مصر ئوزی قول وئریب) (۶۵)
 (حضرت یعقوب) دئدی: من اونى سیزله گوئندر مگر مگر سیزدن
 اللهین آدینا محکم تعهد آلام که اونى (ساغ و سلامت) منه قئیتیره سیر،
 مگر محاصره یه دوشوب هلاک اولاسیر، وقتیکه قارداشلار آند ایچديلر،
 یعقوب دئدی: الله بیزیم دانیشدیغیمیز سوئزله وکیل و شاه ددیر.
 (۶۶) یعقوب دئدی: اوغلانلاریم (وقتیکه مصرین شهرینه یئتیشدیز)
 هامیز بیر دروازه دن داخل اولماين بلکه نئچه دروازه دن داخل
 اولون (الله توکل ائدین و بیلین که) هئج زاد سیزی اللهین
 کمک لیگیندن بی احتیاج ائتمز، حکم فقط اللهین حکمیدیر،
 من اونا توکل ائتمیشم و توکل ائدنلر گرکدیر تکجه اونا توکل
 ائده لر. (۶۷) وقتیکه آتالاری نین آمریله شهره داخل اولدولار،
 هئج زاد اولاری اللهین کمک لیگیندن بی احتیاج ائتمدی مگر اوزادی
 که یعقوبون اوره گینده ایدی که اونلاری قضا و قدردن حفظ ائده و
 یعقوب چوخ بیلجی ایدی چونکه بیز اونا ئوز یانیمیزدان علم
 ئورگتمیشدیک ولی خلقین چوخى بو حقیقتدن آگاه دئیل دیلر. (۶۸)
 و اما وقتیکه یوسفین یانینا گلدیلر، یوسف قارداشین (ایستر خالدا)
 دعوت ائتدی و ئوز یانیندا اونا یئر وئردی و دئدی که من سنون
 قارداشین یوسفم و قارداشلارین عمل لری باره سینده چوخ نگران
 اولماگین. (۶۹)

وئەتە قەلەمىن يۈكلىرىن ئامادە قىلىپ دىلەر، قىزىل جامى قازداشى

(بنیامین) نین یوکی ایچینده قویدی، سونرا جارچی جار چکدی که ای اهل قافله، سیزا وغروسوز. (۷۵) اهل قافله اوزلرین اونلارا ساری دؤندریپ دئدیلر: نمه ایتیریبسیز؟ (۷۶) دئدیلر: شاهین قیزیل جامین ایتیرمیشیک، هرکیم اونى تاپیب گنیره بیر دؤه یوکی (بوغدا) اونا انعام وئرهجهیک و من (تدارکات رئیس) اونا ضامنم. (۷۷) اهل قافله دئدیلر: اللها آندا اولسون (بیزیم خبریمیز بوخدور) سیز یاخشی بیلیرسیز که بیز گلهمه میشیک یئراوزونده فساد سالاق و بیر اوغری دئیلیک. (۷۸) دئدیلر: اوغرونون جزاسی (سیرین دینیزده نه دیر؟) اگر سیز یا لانچی اولاسیز (۷۹) دئدیلر: ایتگین مال هرکسیر یوکوند متاپیلسا یوک صاحبی، مال صاحبی نین نوکری اولماق، اونون جزاسیدیر. بیز (بنی اسرائیل) اوغری لاری و ظالم لاری بوجور مجازات اندریمک. (۸۰) (یوسفین ماموری) قارداشلارین یوکلرین آخنار ماغا باشلادی، سونرا بنیامینون یوکون آختاردی و قیزیل جامی اونون یوکوندن چیخارتدی. بو قرار یله بیز یوسفه تدبیر ائتدیک چونکه شاهین قانونوندا قادر دئیلدی قارداشین ساخلا تدبیرسین. و هر علم و دانش صاحبیندن مافوق عالم واردیر. (۸۱) قارداشلار دئدیلر: اگر بنیامین اوغورلوق ائتسه (اوندان بعید دئیل چونکه) قارداشی یوسفه موندان قباق اوغورلوق ائتمیشدی، یوسف بوسو زلری ائشیدیپ قلوبند ساخلادی و اونلارا آشکار ائتمهدی (ئوز ئوزونه) دئدی: سیز چوخ پیس آدم سیز والله یاخشی بیلیر بوسو زلری که تعریف ائدیرسیز (۸۲) قارداشلار دئدیلر: ای عزیز مصر، اونون آتاسی بیر قوجا کیشیدیر. بیزدن بیریمیزی اونون یئرینده ساخلا البته بیزسنی چوخ احسان ائدن و یاخشی عمل صاحبی گوؤروروک. (۸۳).

یوسف دئدی: اللہ پانا ما پاریرام اوکسدن سوای که متاعیمیزی
اونون یانیندا تاپمیشیق، آیری سین ساخلیق، اوندان ظالم لردن
اوئلاریق، (۷۹) ائیلده که قارداشلار اوندان مایوس و ناامید اولدولار،
خلوت دانیشماق اوچون (خلقدن) کناره چیخدیلار، اونلارین بئوک
قارداشلاری دئدی: آیا بیل میرسیز که آتاز سیزدن اللہین آدینا محکم
تعهد آلیب و بوندان قباق یوسف باره سینده مقصرایدیز؟ من بو یئردن
گتتمرم تا آتام منده اجازه وئره، یا اللہ منیم حقیقه حکم ائده (دعوا
اندیب قارداشیمی آلام یائولم) واللہ حکم ائدنلرین یا خشی سیدیر.
(۸۰) سیز قاییدین آتاز یانینا و دئیون آتا: سوئزون دوزی بودور
که سنون اوغلون اوغورلوق ائتدی و بیز فقط گوئرد و گیمیزه شاهدیق
و علم غیبدن آگاه دئیلیک (نه بیلیردیک بوجور اولاجاق) (۸۱)
و (اگر اینانماسا، دئیون که) اوشهردن گلنلردن وقافله اهلیندن که
بیز اوندان وارایدیق، سوئروشگینسن تاپیلهسن که بیز دوغری
دانیشانلاردانیق، (۸۲) یعقوب دئدی: (بوسوئزلرین اصلی یوخدور)
بلکه سیزین نفسیز بو امری سیزه حلوه وئریب، من بو مصیبتده یا خشیجا
صبر ائدهرم، امیدیم وار که اللہ اونلارین هامیسین (اوج اوغلومی)
منده یئتیرسین البته او بیلن و حکمتلیدیر، (۸۳) و اوزون اونلاردان
دوئندردی و دئدی: افسوس اولسون یوسف، او قدر آغلادی که غصمدن
گوئزلرینه آغ گلدی و او دردین او دوردی (اوره گینه سالیب و هئچکسه
شکایت ائتمیردی) (۸۴) دئدی: اللہا آند اولسون، سنکه بو قدر
یوسف - یوسف دئییرسن، آخردا مریضا ولارسان یا که نوزووی هلاکته
سالارسان (بسدیر بو قدر داد و فغان ائتمه گینن) (۸۵) یعقوب دئدی:
من غم و غصمی اللہا شکایت ائدیرم و اللہدان بیر زاد لاری بیلیرم
که سیز بیل میرسیز، (۸۶).

ای منیم اولادیم ؛ کئدین و یوسفدن و قارداشیندان خبر توتور
واللهین رحمتیندن هئچوقت ناامید اولمایین که هئچکس اللهین
رحمتیندن ناامید اولماز مگر کافر جماعتی . (۸۷) وقتیکه قارداشلار
(مصدق یوسفین یانینا) داخل اولدولار دئدیلر : ای عزیز مصر ، بیزه
واهل و عیالیمیزه آجلیق ضرری یئتیشیب و آرجامتا عیله (یون و قوروت)
کلمیشیک . بیزیم سهمیه میزی آرتیق وئرگین و بیزه صدقه ایله کمک
انتگین . انبته الله صدقه وئرلره یاخشی جزا وئرر . (۸۸) یوسف
دئدی : آیا بیلیرسیز که سیز جهالت اوزیله یوسفه و قارداشینا نملر
انله دیز ؟ (۸۹) دئدیلر : آیا سن همان یوسف سن ؟ دئدی : بلی من
یوسفم و بودا منیم قارداشیم دیر . حقیقتا الله بیزه منت قویدی (که
بیر بیرین تاپدیق) البته هرکس الله دان قورخا و مصیبتیه صبر ائده ،
مسلم الله یاخشی عمل صاحب لرین اجرینی ضایع ائتمز . (۹۰) قارداشلار
دئدیلر : الله آند اولسون که الله سنی بیزه تفضیل و یریب مسلما
بیز مقصر و خطا کاریق . (۹۱) یوسف دئدی : بوگون سیزین اوچون هیچ
مذمت یئری یوخدور (من عفو ائتدیم) الله سیری باغیسلار و او ارحم
الراحمین دیر . (۹۲) ایدی منیم کوئینگیمی ئوروزله آپاریس و اوسی
آتامین اورونده سالیس ، تاگوئرلری ایشیقلا نسین ، سورا اوسی و جمیع
اهل و عیالیری ئوروزله بورایا گتیرین . (۹۳) وقتیکه کاروان مصر دن
یولا دوستدی ، اوللارین آتاسی یعقوب دئدی : یوسفین ایسی گلیر
اگر منی دانلامیاسیر . (۹۴) دئدیلر : الله آند اولسون ، سن همان
قدیمکی پریشان فکر و خیالدا وارسان . (۹۵) .

ائیلده که بشارت ورن کلدی و یوسفین کو یئگینی آتاسی یعقوبون اوزونده سالدی و گو زلری ایشیقلا ندی ، دئدی : آ یا سیزه دئمهدیم که من اللهمین لطفوندن بیر شیئر بیلیرم که سیز بیلیرسیز ؟ (۹۶) قارداشلارد ئدی لر : آ تا بیزیم گنا هیمیزدن صرف نظر ائله و الله دان بیزه باغیشلا نماق ایسته گینن البته بیز مقصر و خطا کار یق . (۹۷) یعقوب دئدی : پرورد گاریمدن سیزین او چون باغیشلا نماق ایسنیه جگم البته او باغیشلیان و رحم ائند دیر . (۹۸) ائیلده که اونلار (مصر مملکتین مرزینده) یوسفین یانینا یئتیشدی لر ، یوسف اونلاری باغیرینا باسیب دئدی : بویورون مصره داخل اولون که ان شاء الله (بوندان سونرا) امن و اماندا اولاجاق سیز . (۹۹) یوسف ، آ تا و آناسین تخت اوستونده اگلسدیردی و قارداشلار یوسفین عظمتینده احترام و تعظیم ائندیلر ، یوسف دئدی : ای آ تا ، بودور منیم یوخومون تعبیری که بوندان قباق گو رموشدوم و پرورد گاریم اونی حقیقته یئتیردی و منیم حقیقده احسان ائتدی کممنی زنداندان چیخارتدی (و منی بومقامه یئتیردی) و سیزی اوزاق بیابانلاردان بورا گتیردی اوندار سونرا که شیطان منیله قارداشلاریم آراسیندا آیریلیق سالمیشدی البته پرورد گاریمین لطف و مرحمتی هرکسه که مشیئی علاقه تاپسا شامل اولار ، مسلما اوبیلن و حکمتلیدیر . (۱۰۰) یوسف (شکر ائتمک او چون اوزون توتوب الله ا ساری دئدی) پرورد گارا ، البته سن منه نبوت و حکومت باغیشلا یبسان و منه یوخی تعبیری تعلیم و تریبسن ، ای گو یلری و یئری یو خدا ن خلق ائدن الله ، دنیا و آخرتده کمگیم و ولی نعمتیم سنسن ، منی مسلمان حالدا وفات باغیشلا و منی صالح انسانلارا ملحق ائتگینن . (۱۰۱) (یاپیغمبر) بو حکایت غیب خبرلریندیر که سنه وحی ائدیریک و سن اونلارین یانیندا حاضر دئیلدین اوزمانی که ئوز ایشلرینده جمع اولدولار (تصمیم توتدولار) و اونلار مکر ائدیردی لر . (۱۰۲) و (بیل که) خلفین چوخی ایمان گتیرمیه جکله هر قدر که سن اونلارین ایمان گتیرمک لری نه حریص و راغب اولاسان . (۱۰۳) .

(یا پیغمبر) س اوللاردان (رسالت اوچون) اجر و مژده ایستیمیرسن و قرآن اهل عالم اوچون فقط نصیحت و تذکره دیر . (۱۰۴) و نه قدر ساندلر و علامتله اللہین قدرتیندن گوئلرده و یئرده اوللارین (گوئلری) قباعیندن رد اولور و اوللار اوز دوءندریلر (و اوللارین باره سینده فکر و تحقیق ائتمیرلر) (۱۰۵) و خلقین چوخی اللہا ایمان کتیرمز لرمگر کها اوللار مشرک اوللار . (۱۰۶) آیا اوللار آرخایین دیلار که اللہین عذابی اوللاری احاطه ائده؟ ویا ثلوم ساعتی (یا قیامت زمانی) اوللارا بیردن گلیب یئتیشه؟ او حالدا کها اوللار بیلیمیلر . (و اوندان غافل اوللار) (۱۰۷) دتگینس، منیم و تابع لریمین یولی بودور که خلقی بوتون بصیرت ایله اللہا ساری دعوت ائدم واللہ تعالی پاک و مژده دیر ومن اللہا شریک قرار وئرئلردن دئیلیم . (۱۰۸) و بیژسندن قباق هئچ کسی رسالته گوئلرممیشیک مگر اوللاردا سنون کیمی شهر اهلی کیشی ایدیلر که اوللار وحی ائدیردیک، آیا بو جماعت یئر اوروئده دولانوب گزمیرلر تا گوئلرلر که اوللاردان قباق قوملارین آخر و عاقبتی نجه اولدی؟ البته آخرت اتوی اوکسلر اوچون کها اللہدان فورخان و پرهیزگار دیلار چوخ یاخشی و گوئلر دیر آیا عافلانه فکر ائتمیرسیز؟ (۱۰۹) تا اوزمانه کیمی که پیغمبرلر (خلقین ایمان کتیرمگیندن) مایوس و ناامید اولدولار و احساس ائدیله که تکذیبده واقع اولوبلار، او حالدا بیژیم کمک لیگیمیر یئتیشدی و هرکسی که ایستیردیک نجات وئر دیک و بیژیم عذابیمیز و انتقامیمیز مجرم و گناهکار جماعتدن رد اولان دئیل . (۱۱۰) البته اوللارین (پیغمبرلرین و حضرت یوسفین) حکایت لرینده اهل بصیرت اوچون چوخلی عبرتلر وار و اوللار یالار حدیثلر دئیل لر و قرآن و اوندان قباق اولان گوئلر کتابلارینی صدیق ائدیر و هرزادی (توزیئرینده) مفصلاً بیان ائدیب و هدایتده دلالت ائدن و رحمتده باعث اولان دیر او جماعت اوچون که اهل ایمان دیلار . (۱۱۱) .